



3

松鶴山房詩集卷之七目錄

七言排律

擬

御試博學宏詞諸臣應制

題寧海將軍秉鉞南征圖

祝吳大中丞百韻

聖德神功恭紀七言排律一百二十韻



七言排律

擬

御試 博學宏詞諸臣應

制 戊午季秋

東壁圖書澄紫氣。秋霄雲漢爛清光。

聖朝 有道人。文蔚盛典。遴才俊。又揚侍從。今時多鼎鼐。登

庸此日。廣琳琅。公孤選。辟輝前代。岳牧疇咨重。

帝鄉 王子下車延荀孔。陳蕃入奏列徐姜。錦囊有用連茹

起。邸閣留賢剖璞彰。既攬詞華資靖獻。更嚴品格答

賡颺蒲輪異數來

天府。縑幣殊恩出尚方。滄海遺珠皆入貢。崑山片玉盡賓

王金門待詔枚。終選瑣闥書名賈。董當駕勸嚴周承

顧問

詔徵。華管共趨蹌。連城價重聲偏遠。叢桂山深氣自芳。行

觀棟樑新杞梓。佇觀瑚璉潤珪璋。豈同小草終南捷

自是空羣冀北驤。竹箭瓊枝看入選。青鋒紫電待抽

鉞黃扉

特簡。溫綸渥丹陛。頒題

御墨。香拂漢霓旌。開隊仗鈞天。廣樂奏笙簧。銅盤露碧凝

仙掌寶輅。馳閑勒錦韁。雲擁西清羅綵筆。輝騰東壁

耀星芒。硯中旗映龍蛇影。殿上衣垂日月光。八體銀

鉤驚鶴時千文玉版。擅鸞翔懸針墜石琅玕。管錯貝

聯璣錦繡腸。奇思湧泉工織組。金聲擲地妙鏗鏘。典

謨作賦須追宋雅頌。成詩自過唐藻麗。未應誇左陸

雄奇何事遜班揚。天人有策宣經濟。軍國兼陳佐廟

廊。民瘼縈懷思對仗。訃謨欲告效朝陽。親賢寧識修

身本攘外無如安內強。祖述周官隆禮樂。師承漢治

重循良經筵典學明王道樞軸持衡振國綱海岳崇
深容納廣河山保定哲謀臧春華秋實兼收採緯武
經文大贊襄萬里風雲欣際遇九天閭闔聚冠裳
生謬際都俞會謏學叨承雨露滂詎敢蟲雕塵黼黻
幸緣鶚薦備班行風謠聊效與人獻奏雅常慙豔曲
將私慶泰交歌喜起更欣一德萃禎祥廷臣共仰卿
雲瑞太史應占景運康干羽舞階消沴厲文昌拱極
掃欂櫨作人壽考賡佳什永祝鴻圖奕禩長
得一道人曰鋪叙中語有斟酌故自不厭其多

題寧海將軍秉鉞南征圖 己未仲秋

聖朝有道威天討上將分旄出

帝閭鐵券篋庭紹偉烈金貂椒寢渥恩光寵兼宿衛承

顏近秩領司空聽履長治定公孤參禁幄時艱元老董

戎行韜鈴獨許孫吳並神武羣推頗牧方名重山川

羊叔子量涵滄海郭汾陽虹搖劍氣三千丈雷動軍

聲百萬裝突騎蹴雲開壁壘雕弧滿月落欂櫨玉橋

初試龍蛇陣油幕更探虎豹囊令肅除殘心共奮師

和敵愾志偏剛鯨鯢已悔嬰置罟猊猓寧煩辱斧斨

快觀南邦飛露布行看

北闕奏鏡章

得一道人曰宏聲壯彩

祝吳伯成大中丞百韻

天迴斗柄璇璣正律轉黃鍾玉管長紫氣當年浮繡
祿彤雲此日映霞觴宗盟季札江東舊世業番君冀
北揚草昧勳名依故沛箕裘甲第起南陽門開棨戟
推前列葉纍金貂遡舊芳分憲建旄臨海嶠外臺持
節轄清漳山川尚勒羊公字父老猶懷召伯棠韋相

象賢均佐漢蘇瓌有子復匡唐波騰赤水蜚騏驎彩
煥丹崖翽鳳凰寶樹謝家爭擢秀白眉馬氏最稱良
明堂重器資瑚璉王國宏材備棟樑聲價早登青瑣
禁風流詎侈紫羅囊千言草就琅玕管五字吟工錦
繡腸預卜丰裁同丙魏寧誇閎閎並金張銅符暫縮
棲巖邑墨綬初承出未央麥秀岐分甘卓壘雉馴飛
傍葛仙牆移旌蒲隰循聲著晉牧臨沂異等彰財賦
東南徵百道輓漕吳會貢千倉簿書旁午煩釐剔旱
潦頻仍費豫防畫署花深看鶴舞仙城琴靜縱鳧翔

三刀叶夢還留轍五馬加輝未促裝惠水月明春試
茗蓉湖燈滿夜歸航輕車就熟知騰駕利鏢瑩膏更
耀鉉再借寇恂徇衆請重畱何武慰民望亭臺讌洽
疑龐統驛置賓朋異鄭莊自是任賢治單父果然頌
德遍桐鄉滇黔報縛憑嶠虎閩越聞收逞臂螳兵燹
疇咨懷輾轉瘡痍欽恤意徬徨治平第一膺

宸眷

廉約無雙動

帝閭

廷擢明刑清肺石邦瞻司直飭桁楊郎官列宿同增
耀執法雙星獨吐芒寬大鞭蒲消鼠雀嚴威拔薤剪

蠹蝗悉除鉤距聊安蔡暫免株連擬訊梁績茂崔咸
神判決才高元稹富詞章陽春寒谷重迎旭膏雨遺
氓頓起創己見平冤空貫索還圖戮力掃欃槍西江
叛卒留遺孽窮嶺遊魂敢煽殃謬假書丹稱楚將應
嗟賣卜本王郎椎牛尅敵心歡奮蓐馬投鞭意激昂
計取孫歆機自秘檻俘彭寵智難量饒歌好唱歸鈴
閣露布連催達

御床

未下太原封有待曾收建業讓何妨誰司屏翰邊防
短竟養癰疽內地戕議棄珠崖徒窘蹙勅援南粵轉

倉皇咨賢異數超三事推轂長城障一方特遣亞夫
持虎竹遠加王濬拜龍驤樞衡僚屬羣司總鎖鑰門
庭八面當日暖油幢開細柳風高畫角奏清商壯猷
未老真方叔雄略會傳似子房號令旌旗皆改色指
揮岳瀆爲生光輕裘緩帶軍容靜蹋鞠投醪士氣剛
李佑恩深知淬厲左車謀用願趨陰澤棲鴻鴈歌安
堵林集鳴鴉慶食桑網漏妖魎盤窟穴釁連銅馬伏
箐篁丹霞阻絕傳烽遍紫帽馮凌擊鼓鏜亂舞梯衝
凌睥睨潛縋羽檄度城隍鐵衣傳箭宵鳴柝玉帳分

弓。畫。裏。糧。樹。杪。飛。泉。迎。葆。蓋。松。根。削。磴。斷。絲。韁。輕。裝。
潛。越。千。尋。隘。倍。道。爭。趨。萬。仞。岡。急。救。闕。與。誇。鬪。鼠。纔。
開。函。谷。笑。驅。羊。營。頭。壓。敵。低。殘。壘。太。白。逢。秋。耀。戰。場。
奪。幟。擒。生。羣。踴。躍。摧。枯。拉。朽。盡。奔。僵。清。源。勝。地。停。戎。
旆。南。詔。荒。城。咏。哀。裳。名。士。有。真。驚。莫。偶。元。功。獨。鉅。賞。
難。償。夏。卿。九。伐。綜。征。討。樞。府。三。臺。大。贊。襄。機。務。籌。邊。
澄。武。庫。履。聲。直。上。接。文。昌。曹。彬。劍。賜。須。專。制。裴。度。階。
崇。仍。外。攘。將。相。量。優。兼。出。入。君。臣。道。合。迓。平。康。盧。循。
溟。渤。猶。吹。浪。楊。僕。樓。船。正。啓。疆。犀。兕。雷。轟。催。阜。燾。饒。

鉦潮湧簇牙璋。芟芻輓運馳諸郡。雲錦奔騰控八坊。
霧集三江明組練。星連九島列舳艫。矢橐夏服堪追。
電刃鍛昆吾。欲淬霜河鼓。搖精衝壘壁。雕弧引滿落。
天狼枕戈務殄翻。波鱗攬轡尤憐。頰尾魴豈作王成。
增戶口常思汲黯。賑流亡。

賜。

蠲盛世恩原厚。保鄣名臣論。獨詳橫槩餘閑陳。俎豆。
停車多暇問膠庠。政宗常袞掄才盛。教式陳襄化俗。
臧雲漢光連奎壁。燦菁莪秀合藻芹香。道兼揆奮勞。
經畫志切澄清。肅紀綱吏戒懸魚。堅砥礪郊多買犢。

靖披猖鮫鯨已悔嬰。置苦狝偷毋煩辱。斧斲佇洗煙。
塵銘鼎鼐行釐圭瓚重。旂常子顏像繪功推冠元凱。
侯封典聿煌帝產李晟為社稷。岳鍾申伯任劬勩懸。
弧恰值星占昴繫紱偏逢史紀祥。雪藕如船關尹獻。
霞芝似掌偃佺將雲璈拍按靈和曲。瑤學香浮沆瀣。
漿壯歲勳庸凌鄧禹。他時眉壽祝張蒼。兜鍪百萬環。
魚陣珠履三千擁。鴈行閭井。鴿籠懷共慶。簪裾雀躍。
喜如狂。鯁生謬荷憐。方寸鴛骨何堪顧。道旁得慰識。
荆榮已渥方欣御。李遇寧忘長沙。不負吳公薦石父。

初登晏子堂桃李乘春慙草芥參苓備用黍粃糠願
開壽域敷調燮更轉鴻鈞佐廟廊樽俎折衝銷介冑
韜鈴柔遠靜要荒兩階干羽歸無外薄海車書共一
匡聊獻風謠殊雅頌謬陳巴里續笙簧

得一道人曰唐人無此長篇非曰能之而不為也自
是風氣以漸而開耳初唐七言古長篇便謂富麗
之極何暇及此此從徐文長祝胡少保拓而充之
若其思力之富章法之整安韻之穩起伏承轉之
自然用事刻劃之貼切恐徐當避舍也

聖德

進

神功恭紀七言排律一百二十韻 有序

臣陳夢雷恭

臣聞大造生成庶類風雷先肅爰弘雨露之仁至
聖撫蒞寰區捷伐用張斯廓柔懷之烈蓋自書契
以來軒后勳高涿鹿有虞羽格三苗遐哉尚矣他
若夏征有扈殷克鬼方伐密歌皇矣之篇平淮咏
江漢之什業固輝乎簡冊而澤僅惠於偏隅至于
漢武自將登臺唐宗親臨遼水雖耀武而罔功竇

憲勒銘燕然李靖生俘頡利祇乘虛而奏績若夫
天討除殘六師奮雷霆之武

皇仁柔遠萬國近日月之光威德覃乎要荒馨香薦於
列祖赫赫明明竹帛莫罄巍巍蕩蕩臣庶難名從未有盛於

今日者也欽惟我
皇上自臨御以來敬答

天心顯揚
祖烈孝養

兩宮惇睦九族重道崇儒求賢察吏愛民勤政慎獄恤刑盛

德之事史不勝書而又內平二逆外廓臺灣海外
窮島咸入版圖于是禮成岱宗典隆闕里江淮駐
蹕河嶽懷柔吳會觀風叟童謳頌固已澤沛蚊蚋化流
寰海矣乃有北國喀爾喀慕義內附而厄魯忒恃
其荒遠修怨憑陵

諭令和解怙惡不悛
命將出師尚未授首我

皇上思慰諸屬國畏威懷德之心兼為中外臣民萬世久
安長治之計以為將士遠征踰漠涉險遙稟

睿。謀。則。兵。機。或。緩。

親。加。拊。循。則。士。銳。益。奮。于。三。十。五。年。赫。然。

躬。行。天。討。颯。馳。雷。擊。震。魄。潛。蹤。

上。策。其。必。西。奔。偏。師。邀。擊。陣。戮。其。妻。逐。北。窮。追。俘。其。愛。子。

顧。以。根。株。未。靖。連。歲。三。度。出。邊。

睿。筭。既。周。渠。魁。斯。殄。丹。卽。藍。款。關。歸。命。嘎。爾。旦。傳。首。京。師。

遂。有。事。於

山。陵。告。厥。成。功。先。是。漠。北。告。饑。朝。鮮。亦。遭。饑。歲。我。

皇。上。乃。發。太。倉。之。粟。普。加。賑。賚。之。施。海。運。陸。輸。舟。車。絡。繹。

老。羸。疴。瘠。咸。慶。更。生。夫。除。兇。伐。暴。已。躋。衽。席。之。安。
鼓。腹。含。哺。又。昇。盈。寧。之。樂。諸。屬。國。君。長。臣。庶。百。億。
萬。眾。震。疊。

神。威。旃。幪。

高。厚。莫。不。踴。躍。咨。嗟。以。為。

天。子。神。聖。邁。古。爍。今。有。生。何。幸。得。育。

覆。載。之。中。獨。恨。限。于。遐。荒。不。得。一。蒙。

鑾。輿。巡。幸。共。遂。就。日。瞻。雲。跂。踵。延。頸。如。赤。子。之。思。父。母。于。

是。

皇上深惟天子之孝莫大於合萬國之歡心以薦馨香爰擴中外同仁之恩修虞帝四巡之典

駕幸留都取道大漠迎

鑾匍伏車騎雲屯稽顙獻琛歡聲雷動順秋獮以合圍

進漁師而薦鮪虔共俎豆昭告

山陵大典既成

恩覃中外留守臣工外藩陪貳駢集鼓舞同聲咏嘆咸

思含毫珥筆共效賡揚伏惟

天地施生之德贊頌何窮而臣庶愛慕之思謳吟難已臣

愚蒙再造生值昌時未敢望卷阿之鳳鳴竊願附虞廷之

獸舞敢述中外臣民愛戴謳吟之意倣上古康衢

擊壤之遺誠歡誠忭謹稽首頓首而獻詩曰

興朝盛德超千古

聖主鴻功震八荒按琯三辰增景曜披圖六合架梯航河

清海晏休徵集巷祝衢歌化日長

列祖丕基弘啓佑

兩宮淑氣萃嘉臧岐嶷瑞表神靈質雲日輝呈金玉相寶曆

早膺凝鼎命璇璣獨運振乾綱

郊壇肅穆崇禮祀

宗廟祇

虔奉裸將燎徹三靈胥協貺。香升萬彙共呈祥。觀揚善述儀型遠。寢膳承歡摯愛彰。孺慕永言侔帝舜。孝思敬止媿文王。本支恩篤綿瓜瓞。花萼情敦洽棣棠。鼎鼎燮調多柱石。股肱丞弼富琳琅。經筵典學窮墳索。宣室咨賢殫縹緗。理闡河圖洪範秘。義探天祿石渠藏。

睿思

時沛江河注

聖藻

高懸日月章。八體銀鈎驚鶴跂。千行玉版擅鸞翔。闡

門務廣羅英彥。論秀唯嚴汰莠。稂滄海遺珠。登几席。崑山片玉。列珪璋。小廉大法。澄源正激。濁揚清。飭憲剛增秩。賜金褒卓魯。書屏課最擢。龔黃勤民。具食思求。莫聽政宵衣。問未央。獄慎懸鞞。逾夏禹。罪疑解網。邁成湯。三千律訂期。欽恤百萬租。蠲重保障。豈獨俗和安。井里行看刑措。臥桁楊。履豐早計。宜中日保泰。先幾戒復隍。邊鎮兵多當有制。外藩尾大更須防。

特宣

大使傳

綸綽

預

勅司農時積倉廩節還朝歸邸第勳名保世奉烝嘗辜

恩阻險嗤東越抗

詔稱雄笑夜郎隴右偏裨懷蠶尾遼西屬國逞臬腸運

籌整暇由

宸斷

命將叮嚀授錦囊剿撫兼施唯討叛縱擒互用止誅

狂轂推智略齊韓范鉞秉親賢擬召方風捲旌旄聯

兩浙雲屯樓櫓撼三湘倥偬秦蜀烽烟遍旁午幽燕

檄羽忙衆志成城依有德天心助順相吾

皇斧

錄未困兜鍪力篲豆爭迎父老漿漠北饒歌收九姓

關中鐵券赦懷光甫平閩粵含沙蜮旋殛滇黔逞臂

螳晝隕營頭逆豎磔火畱天質叛臣戕盧循島嶼翻

波湧楊僕樓船擊鼓鏜戈指蠻烟飛組練帆衝瘴雨

簇餘艤鮫宮浪偃增編戶鼉窟兵銷建序庠禹甸版

圖恢蕩蕩

堯天

雨露沛洋洋酬勳飲至頒封賞肆赦覃

恩

涵疇創曆紀上元新甲子時逢泰運正三陽泥金檢

玉儀非古問俗觀風事有常列缺前驅清輦道勾陳

翊衛度

天間。岱宗已舉燔柴典闕里。

親承。芹藻芳進鬯奉牲輝俎豆。陳經講藝耀宮牆。賦成貞

檜龍文煥榜絢璇題。

御墨。香直溯淵源宗孔孟。實紹精一接虞唐。詩書鄒魯多

絃誦財賦東南效。篚筐河運關心停。

翠蓋。江天縱日擁牙樯。香焚載道千村祝。綵幕長衢萬戶

聖爰進重臣。

咨。疾苦間從部屋訪農桑。吳奢晉嗇風誰古。北樸南澆

化孰良。崇儉黜華。

天語。切返淳去僞。

聖謨。莊陵雖前代。

親修。敬逋積多年。宥免償鳩杖。欣瞻民有

主。兕。觥。環。祝。壽。無。疆。遮。轅。頌。禱。情。歡。洽。駐。

躡。畱。連。澤。滅。汪。德。遍。神。州。歌。孔。邇。仁。推。荒。徼。切。如。傷。密。

頑。侵。阮。修。嫌。豐。苗。蠹。干。虞。肆。陸。梁。飛。鳥。依。人。殷。卹。患。

長。蛇。游。食。豈。畱。殃。崇。文。未。可。忘。修。武。安。內。還。圖。講。外。

攘。九。伐。大。張。陳。禁。旅。六。師。

親蒞。飭。嚴。裝。太。微。月。暈。成。殊。彩。河。鼓。桴。冲。吐。怒。芒。氣。聚。羽。

宸謨

林橫壘壁光騰斗柄貫櫓槍兕犀別製頒諸部雲錦
成羣貢八坊跳盪六花環突騎飲飛七萃砥新鉉龍
旗高掩天山月豹尾森凌瀚海霜約食大官均減膳
輕齋轉運急趣糧恩深挾纊懷驍猛訟激投醪志奮
昂電掃預知當魄奪霆轟疇敢逆顏行先聲尅敵神
機妙別隊摧鋒制勝強陣殪妖姬嬰斧鑕檻俘愛子
伏銀鐺漠中殘喘猶窺伺釜底遊魂尚獾狝莽伏邊
隅殊臥榻毒畱疥癰卽膏肓懷安廷議謀終淺慮遠
見獨詳不憚再圖掇甲冑兼煩三駕用爰斯輓輸仍

鸞馭

露布星馳達

藉蕭丞相帷幄寧須張子房略秘九天神莫測武成
七德智難量北河妖祲今應掃寒磧驚砂不敢揚犄
角逆搜藏窟兔合圍立困觸藩羊千鈞強弩聊加鼠
九點天弧直注狼筭定尅期擒頡利謀成指顧滅高
昌蜺旌日轉廻

御狀

飲藥歸窮終仆斃潰營豕突盡奔僵

詔嚴

渠逆刑宜正令減脅從貸不妨日逐款關歸

闕

下郵支傳首獻

朝堂功成一日千年泰。患息偏隅萬國康。三五兼隆無可並。乾坤等量孰能颺。

皇猷 巍煥難綜述

大德 施生若未遑。北國陸輸弘賑賚。東

藩海運沛倉箱。尊親引領

君恩 渥高厚無私

帝力 忘率土雍恬遊浩蕩。普天謳頌樂徜徉。勒銘永用威

邊塞祭告虔修答

上蒼

祖烈顯 承加赫濯

宗功貽 燕倍輝煌

宸躬 思展

山陵敬

玉輦 三巡湯沐鄉長白。左雄襟鴨綠。巫閭右峙接龍岡。南

迴遼水通溟渤。北注混同入森茫。穴據熊羆棲虎豹。

野多雉兔足麋麋。巨鱗疇昔誇鱸鮓。珍味由來美鯉

魴。宮直降婁星次轉。宿移天駟日躔當。大蒐恰值秋

巡令廣漠弘開閱。武場重譯迎

宸謨

林橫壘壁光騰斗柄貫櫬槍兕犀別製頒諸部雲錦
成羣貢八坊跳盪六花環突騎伏飛七萃砥新鉅龍
旗高掩天山月豹尾森凌瀚海霜約食大官均減膳
輕齋轉運急趣糧恩深挾纊懷驍猛訟激投醪志奮
昂電掃預知當魄奪霆轟疇敢逆顏行先聲尅敵神
機妙別隊摧鋒制勝強陣殪妖姬嬰斧鑕檻俘愛子
伏銀鐙漠中殘喘猶窺伺釜底遊魂尚獾狝莽伏邊
隅殊臥榻毒畱疥癰卽膏肓懷安廷議謀終淺慮遠
見獨詳不憚再圖環甲胄兼煩三駕用爰斯輓輸仍

鸞馭

藉蕭丞相帷幄寧須張子房略秘九天神莫測武成
七德智難量北河妖祲今應掃寒磧驚砂不敢揚特
角逆搜藏窟兔合圍立困觸藩羊千鈞強弩聊加鼠
九點天弧直注狼筭定尅期擒頡利謀成指顧滅高
昌蜺旌日轉廻
露布星馳達

御牀

飲藥歸窮終仆斃潰營豕突盡奔僵

詔嚴

渠逆刑宜正令減脅從貸不妨日逐款關歸

闕

下郅支傳首獻

朝堂功成一日千年泰。患息偏隅萬國康。三五兼隆無

可並。乾坤等量孰能颺。

皇猷。巍煥難綜述。

大德。施生若未遑。北國陸輸弘賑賚。東

藩海運沛倉箱。尊親引領

君恩。渥高厚無私

帝力。忘率土雍恬遊浩蕩。普天謳頌樂徜徉。勒銘永用威

邊塞。祭告虔修答

上蒼

祖烈顯。承加赫濯

宗功貽。燕倍輝煌

宸躬。思展

山陵敬

玉輦。三巡湯沐鄉長白。左雄襟鴨綠。巫閭右峙接龍岡。南

迴遼水通溟渤。北注混同入森茫。穴據熊羆棲虎豹。

野多雉兔足麋麇。巨鱗疇昔誇鱸鮓。珍味由來美鯉

魴。宮直降婁星次轉。宿移天駟日躔當。大蒐恰值秋

巡。令廣漠弘開閱武場。重譯迎

鑾來絕域分行扈

蹕侍天潢千營闢帳連雲幕萬騎鳴弦滿月張宋鵲韓盧

爭虎視蒼虬紫燕奮龍驤青冥掠羽摩霄際金距擒

生拂漢傍禮罷三驅羅鼎俎典行九獻侑笙簧太常

樂奏咸英響宗伯儀陳沆漑觴稽顙貢琛藩使列奉

璋執帛上公褰受釐飲福純庥備錫宴分榮大澤滂

在鎬禮成賡喜起卷阿歌倡叶宮商賤愚敢借蟲雕

獻忭躍欣同獸舞蹌戀

主有

懷文疊疊媚茲如願韻鏘鏘康衢民共安耕鑿擊壤

歌堪進

廟廊從此璿霄呈景慶佇觀阿閣名鸞鳳共球海外圖王

會玉帛寰中大一匡南極加明長獻

壽泰堦正位永垂裳

得一道人曰長篇莫難于章法序次此則步伍整齊

過接處皆以神行有天衣無縫之妙次莫難于用

事貼切此則出經入史上下古今象緯韜鈴咸供

揮洒如寶母呼珍光采陸離眩睛耀日而精切確

當一字不可移易次又莫難于用韻穩妥此則控

御如意渾成自然無一語牽強湊泊其最不易言者篇長則艱于警句此則貫通治道洞悉兵謀莊重處珮玉冠裳鎚鍊處洞堅貫札至其氣象堂皇骨力高古真六月江漢而後宇宙有數大篇老杜北征諸將雄視百代然使見此長江大河恐亦當望洋心折也俗儒乃以其叙武事太夥妄意雌黃試思如飛如翰如江如漢何嘗不極意鋪揚亦何傷於大雅耶又或謂百二十韻唐人無此然則夔府詠懷高岑王孟詬厲之久矣後人當有公論也

乾制 清宮應

擬

豔陽

殿

闕煥晴光序轉清和景正長。禁柳遙迎仙仗翠宮花。近接御爐香。卿雲爛熳依平樂。瑞氣繽紛護未央。珠箔輕寒舒燕舞。瑤窓乍啓度鶯簧。盤凝甘露金莖潤。曲奏薰風玉軫張。山海晏寧賡保定。班聯師濟頌良。曾聞封祝歡聲洽。又聽衢歌逸韻揚。武備預修皆

明

貫札軍容偶試盡穿楊琅函

龍賁
龍蛇影

宸翰
恩頒日月章文軌八荒欣道泰梯航六合慶時康壽
星當丙嵩齡錫澍雨隨時歲事穰稽首拜颺何所願
萬年寶曆永無疆

擬春仲扈

駕水
獵

春和景淑扈

宸遊
霽日祥雲擁

御舟
柳色將舒新翠淺花枝未放暗香幽林鳥巧向牙檣

度錦鯉偏迎畫楫浮纜轉輕舸開兩岸帆移柔櫓遶

中洲部分不異三驅典解網聊從一面收風捲千禽

驚雪集雷轟萬羽逐星流軍容詎侈昆明陣棹唱寧

同汾水秋宣豫省耕侔夏后時巡宴鎬擬成周四靈

竝畜仁恩洽庶類咸熙德化悠廻蹕

入心
民瘼切龍影還向後車求

得一道人曰寫水獵語有精采

密雲道中

恩 蹕 承 護

出建章。駿。駿。羽。騎。度。漁。陽。疎。林。帶。雨。枝。猶。綠。細。草。迎。
 霜。葉。半。黃。山。控。北。平。橫。塞。險。水。分。東。潞。入。流。長。每。從。
 黍。谷。疑。吹。律。難。向。共。城。辨。故。疆。置。郡。經。營。由。漢。魏。設。
 州。沿。革。自。隋。唐。邊。陲。昔。日。咽。喉。地。畿。輔。今。時。安。樂。鄉。
 萬。頃。平。疇。禾。正。熟。幾。家。村。店。釀。初。香。參。差。鴈。字。高。空。
 迴。斷。續。蟬。聲。疊。韻。揚。近。郭。遶。簷。歡。燕。雀。遠。村。被。隴。富。
 牛。羊。謳。歌。父。老。誇。身。健。祭。賽。兒。童。喜。歲。穰。幸。際。昇。平。

蒙

浩蕩。胥。遊。熙。皞。任。徜徉。豈。知

帝力。同。天。地。擊。壤。康。衢。已。共。忘。

得一道人曰從輿地上生發與核精切

癸巳年

六十 萬壽

駕幸 熙春園諸王侍宴恭紀

嵩祝康衢貢壽筵。春風化日正暄妍。鶯簧現睨嬌成
 韻。燕舞舒徐態更翩。棣萼承歡欣永晝。叟童望幸慶

豐年花迎龍馭飄香遠露浥鸞旌浥翠鮮宴藉大庖
羅玉饌樂陳巴曲和鈞天盈疇時雨

宸衷

慰薄海捐租盛德全崇祝先賢儀獨渥掄才別苑事
堪傳殊恩浹洽歌朝野駿烈輝煌耀簡編遊豫及時
人共樂生成在念澤頻宣民安物阜鴻圖廓海晏河
清寶曆綿頌禱黔黎情共篤瞻依臣子念尤專但祈
乾坤永戲綵長隨玉几前

聖祚

得一道人曰盛事不必別加贊揚據事鋪陳已光千
古矣

松鶴山房詩集卷之八目錄

五言絕句

題畫三首

早行

為顧宗伯題畫

六言絕句

題畫

七言絕句

瀨溪道中

雨夜宿漁谿

自題小影三首

讀史四首

寧海將軍鳳城歸款圖四首

耿又樸年兄以三絕句見慰走筆步韻誌感時

庚申初夏

西曹坐繫卽事四首

心月上人苦行十咏

破衲

赤脚

燃臂

叩頭

拾字

驅虎

施茶

施粥

贖難

收骨

木菴山房詩集卷之八
爲人書扇戲題二首

素園八景

曲水浴鳧

瀑泉躍鯉

紅藥迎風

朱櫻醉日

韭畦春露

菊圃秋雲

夜月荷香

夕陽榆蔭

向徹機僧求瓜種

仙人臺畔聞雀聲

勸諸生十二首

題墨竹

有感投筆二首

草堂漫筆八首

哈六平以扇頭畫索詩感余歸思爲賦四絕

蜻蜓蛺蝶圖

木佳山房詩集卷之八
四
無題集調九首

七夕祝金太母壽

移居白雲留別諸生八首

代祝徐大京兆四首

春日山居雜咏六首

代宗室稱祝

西苑卽事七首

題扇頭山水

題扇頭鬼判遊春二首

扇頭山水

醉于馬上往來輕圖二首

鍾進士遊春圖

贈寺中陸叟二首

扇頭美人

贈嘯林上人施藥二首

題畫二首

又二首

扇頭飛仙圖

遊赤壁圖

皇太子幸萬善殿召見即事應

令

皇太子召見命講性理太極圖恭紀

奉

令旨咏春笋

採藥圖

漁家樂畫

畫山水二首

堯天擊壤歌二十四首有序

贈醫士二首

題扇頭山水

七月十五日

東宮以

睿製詩十首

賜示恭紀

扇上美人二首

送鑛鐵上人歸武夷兼訂卜居二首

某上人畫像二首

題畫鸚鵡應

令四首

題扇頭畫

咏蝶

題扇頭草蟲

扇頭畫空中鬼卒雷電一叟從容作禮二首

讀書圖八首

西雷和尚小影二首

贈歌者

代題花下搦管女侍研墨小影

四時行樂圖四首

四時題畫四首

十一月十五日蒙

皇上親灑宸翰書松高枝葉茂鶴老羽毛新一聯

特賜臣夢雷臣謹賦詩六章用紀

榮遇

為顧宗伯賦冊頁中諸畫

贈馬官二首

卽事有感二首

漁父詞八首

代題小影二首

題浙江王方伯對奕遺像

爲思修上人題許月溪畫扇

金雀花應

命四首

與米四二首

送洪秋崖之吳門併寄何義文司馬三首

癸巳年

皇上六十萬壽恭紀

仙女採藥圖

扇頭畫鸚鵡二首

美人垂釣圖

贈張道人

美人凭闌對月圖

女侍搴梅圖

扇頭柳陰羣牧

美人荷池垂釣圖

昭君怨

五言絕句

題畫

庚午季夏

雲氣變晴嵐。長松不改色。抱膝草廬中。幽人心自寂。

其二

杖履到中林。枯楊看繫馬。碌碌征途人。誰能知靜者。

其三

翠鳥來嘉樹。安枝猶返顧。何不效鴻飛。徒令弋者慕。

早行

甲戌孟冬

參星斜欲墮。山月曉將入。東向望晨光。征衫寒更襲。

得一道人曰卽景遙寄皆有深意自是曾次之高不
但用筆之妙

爲顧宗伯題畫

戊子仲秋

接漢千尋瀑。參天萬壑松。草橋初渡馬。山寺已聞鐘。

其二

晚風颯颯天半疎。柳垂垂水濱欲把一竿獨釣只恐
蘆中有人。得一道人曰就題用事而寄意殊遠題畫至此稱獨
絕矣

七言絕句一

瀨溪道中

丁巳夏仲

瀨溪古道少人行。落日愁雲旅思驚。茅店數家鷄犬
靜。空山但聽鷓鴣聲。

雨夜宿漁谿

草滿平蕪水滿谿。一天風雨度橋西。孤燈旅夜難成
夢。坐擁寒衾聽曉鷄。

自題小影

問予何事碧山岑。巨罪當誅寄素琴。彈到商絃多苦

調松風蕭颯萬山陰

漫興十首

戊午季秋

抱得瑤琴向月明。臨風一曲不勝情。悵將疑碧池頭句。譜入商絃作怨聲。

其二

已知計拙鬼揶揄。壯志何堪失故吾。酒後離騷隨意讀。佇看雲盡月輪孤。

其三

恥向雕蟲寄此生。錦囊擲地盡金聲。小溪捉紙多題

咏莫讓康成獨占名

其四

生涯如我始支離。李廣何須嘆數奇。醉後塗鴉還自笑。十年一夢醒時疲。

其五

負郭會無十畝田。長將菽水聽蒼天。此生忠孝寧堪問。淚洒西風不忍眠。

其六

修書寄去覓歸耕。滄海何時洗甲兵。高隱昔人良不

易偏多樂土。結鷗盟。

其七

秋深無夢不歸家。紙帳垂垂驛路賒。忽聽傳呼聲喚醒。東鄰廳事正開衙。

其八

闐闐紛紛鬱錦鋪。長聲短調遍通衢。解囊欲把明珠賣。羞去隨人繞市呼。

其九

豈無高詒飯王孫。何處千金報宿恩。潦倒十年成底

事。西風垂釣到黃昏。

其十

計然十策半平吳。老驥何須嘆隙駒。歸取芳綸明月餌。長鯨一釣付當罾。

得一道人曰。此時潦倒之始。誰知此後沉淪者三十餘年。李廣難封。馮唐易老。上下古今。可勝扼腕。

讀史

西京冠蓋擁清華。繡轂相邀許史家。不道侯門通未得。解煩聊買各平瓜。

其二

漢家天子策賢良。開閣書名入錦囊。老却仲舒渾不。惜紛紛索米笑東方。

其三

長楊萬騎擁期門。枚馬簪裾侍至尊。草就上林天眷。渥他年封事少承恩。

其四

牧豕輸邊不顧家。西園封拜儘堪誇。縣官緩急尋常。事勝向侯門掃曉衙。

題寧海將軍鳳城歸款圖四首

己未仲秋

楊僕樓船下瀨雄。尉佗黃屋早橐弓。百蠻威震看傳。檄五嶺風清好奏功。

其二

枕榔深處詔書頒。翡翠明珠款漢關。錦石峯頭花萬。樹從今移種鳳凰山。

其三

刺史當年惡鱷平。將軍龍劍掃長鯨。雲屯桑浦時驅。馬雨滿程江正洗兵。

其四

伏波銅柱舊銘勳。鳳水今看息寇氛。甘露巖前橫玉簡。好教重勒峴山文。

得一道人曰此等作當與龍標並駕近代不能也

耿又樸年兄以三絕句見慰走筆步韻志感時

庚申初夏

索米長安亦

聖恩。

途窮難望叩

天闈。

陽春誰唱。淒商曲。羈客青衫濕淚痕。

其二

鴈足虞羅竟杳然。尚畱方寸對蒼天。

君恩。

本自同慈母。投杼何堪衆口傳。

其三

覆盆無路徹

楓宸。

谷口何當返子真。萬里高堂嗟菽水。

君親。

兩負倍傷神

西曹被繫卽事

辛酉季夏

雨後園牆夏氣清。思親歸計夢中縈。鷄林墨蹟誰爭。

松嶺山房詩集
重筆底滑稽對老兵

其二

程邈無端變籀文。却招買菜事紛紛。何當寫得黃庭妙。一換鵝羣飽餉君。

其三

炎蒸月令弛刑人。桎梏何煩督察頻。見說天牢多執法。溺灰田甲莫生嗔。

其四

休咎多從方寸生。何須園土問君平。王郎不厭當年

技重譯徒煩墨汁傾

松鶴老人曰時偶作清書篆體為人題扇守者爭

索不已又時少司寇亦被繫同案中有善士者

守者多往問輒求余代譯故云

得一道人曰在此地遊戲神通真有受三禪樂本領

者

心月上人苦行十咏 壬戌季夏

破衲

細縷輕針蹙縠紋。憑他冬夏不須分。禪心靜處無寒

杜。崑。山。房。言。集。卷。之。八。七。言。絕。句。七。
暑。閑。綴。遼。天。萬。片。雲。

赤脚

赤。脚。層。冰。興。自。饒。杜。陵。詩。思。偶。無。聊。山。僧。足。作。蓮。花。
相。到。處。春。同。雪。窟。消。

燃臂

割。肉。當。年。爲。飽。鷹。何。妨。隻。手。續。傳。燈。辦。香。倘。許。皮。囊。
借。便。作。旃。檀。功。德。僧。

叩頭

南。陌。東。村。豈。有。求。來。生。作。佛。舊。因。由。侯。門。昏。夜。祈。哀。

輩。反。笑。山。僧。白。叩。頭。

拾字

琳。瑯。觸。日。莫。輕。過。斷。簡。殘。編。盡。網。羅。三。藏。六。經。都。掃。
地。許。多。故。紙。奈。他。何。

驅虎

天。遣。於。菟。試。法。身。叢。林。狹。澗。暫。相。親。心。持。半。偈。空。諸。
相。弭。耳。潛。蹤。不。動。塵。

施茶

渴。中。一。勺。是。瓊。漿。方。便。功。同。甘。露。王。好。演。菩。提。飛。法。

松。崖。山。房。言。集。
雨。普。教。大。地。盡。清。涼。

施粥

呵。凍。驅。牛。欲。典。衣。更。憐。園。土。忍。朝。饑。願。將。粒。遍。三。千。
界。鐵。脊。挑。來。步。似。飛。

贖難

鳳。困。麟。囚。豈。偶。然。墜。茵。墜。廁。亦。前。緣。山。僧。不。作。朱。家。
俠。牛。馬。誰。知。季。布。賢。

收骨

碧。血。銷。沉。恨。正。長。尚。留。俠。骨。擔。頭。香。從。今。齊。作。歸。依。

願。風。雨。靈。旗。護。法。王。

得。一。道。人。曰。觸。手。隨。機。禪。宗。靜。理。鐘。聲。棒。喝。亂。墜。天。

花。詩。人。未。到。此。境。界。

爲人書扇戲題

安。得。羊。欣。白。練。裙。蒲。葵。村。媪。意。方。慙。閑。來。漫。洒。墨。池。
水。化。作。遼。天。五。色。雲。

其二

濤。箋。繭。紙。莫。相。誇。楮。墨。無。嫌。是。大。家。泥。筭。便。成。飛。帛。
妙。何。妨。敗。筆。亂。塗。鴉。

素園八景 丁卯季夏

園縱廣二畝許。中為雲思草堂。前後景且入。亦釋
氏芥子須彌之說也。隨地可園。隨地可堂。即隨地
可景。皆吾素也。景不止八。俗紀勝者多以八。亦從
而八之云爾。

曲水浴鳧

細流曲曲鎖莓苔。傍母鳧雛浴幾廻。漾到沙痕清淺
處。等閑唼得岸花來。

瀑泉躍鯉

瀑布飛來半圃東。乘流點額挾雷風。九天霖雨尋常
事。聊試清泉碧沼中。

紅藥迎風

荳花棚裏吐新姿。婪尾邊城未覺遲。却憶謝郎當直
夜。當堦深照萬年枝。

朱櫻醉日

絲籠當年貢尚方。酡顏老圃擅春光。丹心點點同葵
藿。雨霽風晴望太陽。

韭畦春露

夜雨黃梁熟。有無客來輕剪。試屠蘇。庾郎不作貧家。相曉起。千畦散碧珠。

菊圃秋雲

漠漠輕雲護短牆。故園三徑未全荒。庭前桃李今何似。晚節誰如老圃香。

夜月荷香

豔質凌波顧影疑。騷人倚檻夜眠遲。暗香撲醒遊仙夢。正是風清月曉時。

夕陽榆蔭

結廬人境足幽尋。樹色離離夕照深。客問著書何歲月。種榆今作滿庭陰。

得一道人曰素位而行樂天知命到處有春風沂水之趣此豈胥靡終老者哉

向徹機僧求瓜種 戊辰季春

冰谷曾聞素葉傳。東封扈從渥恩偏。野人只覓青門種。却訪桑門續舊緣。

其二

臥雪三冬一病夫。春殘學圃勝屠沽。郢州熟後須留。

種莫問來人識得無。

仙人臺畔聞雀聲

癸酉孟夏

鄉關仲氏意如何。季也飄零歲月多。腸斷仙人臺畔。雀夜闌隨處叫哥哥。

勸諸生

絳帳開來已十年。逐臣方寸矢蒼天。得人報國平生願。此願而今恐渺然。

其二

飄風自北自南來。據案高吟亦快哉。鴻鵠援弓偏有

興。翻然更覺笑顏開。

其三

相攜襆被宿齋頭。雪案鷄聲意未休。晝靜人閑聞語笑。不如秉燭夜同遊。

其四

曉夢初醒繫我情。側身欹枕聽書聲。今朝老友應來未。挈伴多應野外行。

其五

掘井原期要得泉。功虧九仞亦徒然。朝朝馬首知何

向忽忽須知又一年

其六

天分生來各有宜。一能已百事須知。神駒駑足難方。駕暮四朝三亦爾爲。

其七

貴介翩翩萬里程。懶從書卷索微名。經生自有寒窻事。忍擲光陰笑語清。

其八

一第成名未足奇。冠軍偶爾亦何爲。支吾了事爭些

子百尺竿頭待幾時

其九

絃誦吾徒有雅音。優伶何事日相尋。一衿便了芸窻願。負却天生我輩心。

其十

窻明几淨獸爐紅。輟講逍遙斗室中。數載升堂人已散。那來餘興問童蒙。

其十一

一暴何堪十日寒。支離故事意闌珊。問奇載酒今應

謝督課無能愧素餐

其十二

願輟雄談拂舊編。莫把己業代芸田。不關老我多饒舌。心。血。傾。來。有。歲。年。

得一道人曰。有一片深心熱腸故。信筆言之不覺諄切。無負此心者。誰歟。

題墨竹

閑止堂前綠萬竿。凌雲老幹倩誰看。却從墨汁窺真相。蕭颯遼山六月寒。

有感投筆

古人就養有方無。硯圃書田贍此軀。講誦年來唇敝矣。那堪索米復喉枯。

其二

絲竹當年馬氏豪。篝燈呵凍笑徒勞。敝裘典盡誰憐者。却嘆淵明乞食高。

草堂漫筆

甲戌仲秋

輕雷殷殷曉雲橫。細雨當階入夢清。半醒不知身是客。小窓喜有讀書聲。

其二

雨餘新綠滿庭堦。細草山花恰稱懷。識得滿前生意，好天公隨地任安排。

其三

昨朝節使尋花種。今日西鄰也乞栽。大地陽春人我共。平泉金谷謾相猜。

其四

閉戶呼僮學種蔬。治生偏急計偏踈。年來隨分無他願。婦課鷄豚子讀書。

其五

國。森森桃李滿庭陰。問字相過載酒尋。倘得諸生能報十年不負逐臣心。

其六

鄉關萬里夢魂踈。棣萼分枝兩歲餘。劍啄黃昏欣有信。催燈就手折家書。

其七

潦倒生涯已十年。却欣滿架富殘編。呼兒燒燭延清晝。尚友猶希見昔賢。

其八

清齋夜靜漫焚香。一曲新絃逸韻長。
遶砌蛩聲吟未歇。庭前明月正中央。

哈六平以扇頭畫索題感余歸思爲賦四絕
春山春樹鬱葱葱。衆水爭流萬壑通。
信步尋芳隨處是。抱琴又過小橋東。

其二

石鎖莓苔徑欲迷。繞堤芳草自萋萋。
山隈水曲隨行止。物外從容一杖藜。

其三

半山草閣白雲封。何處相尋物外蹤。
谷暗溪長人語寂。水流寒玉自淙淙。

其四

筆底從來有化工。溪山差與故園同。
何年三徑成歸願。長嘯千巖萬壑中。

題蜻蜓蛺蝶圖

蜻蜓暗吸枝頭露。蛺蝶爭尋葉底香。
飲啄天公皆有數。却教羣動爲春忙。

無題集調 甲戌季秋

帝臺春好少年遊。一葉落時桂殿秋。金縷曲催更漏。子青衫濕盡上西樓。

其二

畫屏秋色怨孤鸞。庭院深深相見歡。漫訴衷情薄命。女意難忘夜瑣窗寒。

其三

鵲踏花翻摘得新滿庭芳。作畫堂春東風第一枝多。麗漁父桃源憶故人。

其四

陽臺夢斷繫裙腰。緣惜分飛望海潮。解語花愁春未醒。鳳凰臺上憶吹簫。

其五

雙頭蓮子兩同心。一萼紅中一寸金。苦憶王孫惜疎影。長相思作水龍吟。

其六

畫錦堂前一剪梅。洞庭春色醉蓬萊。碧窓夢作離亭燕。帳望江南歸去來。

其七

帝臺春聽賣花聲。玉燭新調醉太平。漁父大江西上。曲洞仙歌向月中行。

其八

紗牕恨別悞佳期。夢望江南連理枝。好事近憑卜筮。子萬年歡醉太平時。

其九

杏花天好望江東。連理枝頭一萼紅。却憶少年南浦。月綺羅香裏醉春風。

七夕日祝金太母壽

丙子孟秋

天孫宵駕渡銀河。玉珮今晨閬苑多。青鳥傳言烏鵲。渚璇璣須織九如歌。

移居白雲留別諸生

昔年策杖千山頂。夢遶仙人第一峯。今日白雲酬我願。巖居逸興有誰同。

其二

生來四十五行年。居處曾經十八遷。十載草堂稱最久。依依桃李此堂前。

其三

年來移杏種朱櫻。杏熟櫻紅照眼明。今日山居將不
去。低頭草木覺無情。

其四

絳帳開來十五年。登堂載酒賴諸賢。天涯骨肉今何
許。握別師徒又黯然。

其五

僕僕車牛度陌阡。無非破麓貯殘編。村人共笑余書
癖。三十六巡愧茂先。

其六

餘生一息亦

君恩。敢謂他鄉異故園。且送登仙人去。盡携兒山下。閉柴
門。

其七

贖刑自有虞廷典。投杼還期慈母恩。且課鷄豚急生
計。春回黍谷到蓬門。

其八

只留方寸對蒼天。去住升沉總偶然。努力吾徒思報

國。孤臣餘願賴諸賢。

得一道人曰如此境遇却具如此胷襟非真鐵漢不能溫厚和平追步風雅其餘事耳

代祝徐大京兆

朱夏樽開畫錦堂石麟綵紱早鍾祥琴書鈴閣聽輿誦漢史何須數趙張

其二

河洛當年頌禹功南州聖重舊司空保釐此日恩偏永袞繡興歌遍叟童

其三

翼序方欣水鏡清八廂畱守振威名遼濱桃李迎春後佇見棠陰滿

其四

南極光應映上台留都佳氣接蓬萊希文相業開封重霖雨行看霈八垓

春日山居雜咏 丁丑季春

春山明媚草萋萋雲影天光漾碧溪茅屋數間村犬

帝城。

松嶺山房詩集卷之八
吠落花如雪。午鶯啼。

其二

水碧沙明一葉舟。何須繫纜任中流。行人南北皆乘便。短棹從容狎白鷗。

其三

橫溪疊石便成梁。一枕濤聲入夢長。網得魚兒三五個。且傾新釀醉斜陽。

其四

一犁春雨課耕忙。新綠如雲喜見秧。鄰叟蹊田能約

束。預知今歲慶登場。

其五

呼僕携鋤著短衣。芒鞋竹杖步如飛。高崖曲徑應搜遍。掘得黃精滿載歸。

其六

偶來村叟興偏雄。小斧丁丁韻晚風。採罷松花携老幹。一聲樵唱出林中。

代宗室稱祝

朱夏薰風譜舜絃。稱觴戲綵綺筵前。萱花願並靈椿

永歲歲春秋慶八千

西苑卽事 巳卯孟春

禁苑春深靄紫煙。儒生何幸再瞻

天龍舟賜宴承

恩地迴首蹉跎廿七年

其二

東風應律氣初和。太液冰融漾碧波。自是禁城春色。早萬年枝上鳥聲多。

其三

長堤一碧草萋萋。新漲初平水檻低。烟樹迷離西向望。萬花如雪曉鶯啼。

其四

婪尾偏饒上苑春。千畦紅紫色香勻。當堦欲擬宣城句。日遶朱欄十數巡。

其五

蒼蒼古栢講堂前。螭攫虬蟠積歲年。桃李乘春都不羨。風霜歷盡欲參天。

其六

松蘿山房詩集
雕闌畫檻俯清流。赤鯉將騰水際浮。渺渺烟波勞極目。天光雲影鏡中收。

其七

葦岸橫斜一葉舟。篙師試槳蕩中流。魚鷹拍水驚人起。飛向花枝最上頭。

題扇頭畫山水

己卯夏仲

嶽崎斷岸小橋連。三五歸鴉點暮天。長嘯凌風揮袖去。一灣流水草廬前。

其二

蓬門不掃白雲扃。選勝層崖構小亭。鳥道扶筇尋絕頂。披襟長揖萬山青。

題扇頭畫鬼判遊春

昇平萬戶樂春臺。酺宴神人共慶哉。判使也知春色好。青驪携酒看花來。

其二

挈榼提壺選勝來。山精木客作輿臺。玉鞭遙指紅深處。喚取花神共一杯。

題扇頭山水

曲岸疎林一徑通。數家茅屋草橋東。杖藜步到雲深處。鳥語溪聲興不窮。

其二

層巒天半屹如屏。鑿險凌空架小亭。薄暮凭闌南向望。翠微一片萬峯青。

題醉于馬上往來輕圖

四望春郊草色芊。柳絲風軟豔陽天。近村新釀嘗應遍。爛醉歸來馬上眠。

其二

袍寬帶緩角巾斜。潦倒歸來自酒家。拋却玉鞭忘去路。夕陽古樹亂棲鴉。

題鍾進士遊春圖

柳絲凌亂杏花香。選勝郊遊化日長。何事終南鍾進士。偏携魍魎共春光。

其二

虬髯青蓋踏芳塵。木客山靈送酒頻。自是多樂事。神人共慶太平春。

得一道人曰。一問一答妙解人頤。

贈寺中陸叟

禁城蘭若寄餘年。暮鼓晨鐘近法筵。
柳岸槐陰修淨業。此身今日已生天。

其二

藥欄春曉聽啼鶯。入夏荷香檻外清。
何處西方稱極樂。百年扶杖慶昇平。

題扇頭畫美人

環珮輕盈倚畫欄。含情相對步珊珊。
玉簫漫寫閨中怨。庭院涼生五月寒。

其二

朱夏深閨晝正長。柳絲風軟野花香。
嬌慵倚樹非無力。清賞何如枕簟涼。

贈嘯林上人

蒲團七十幾春秋。嬉笑歌吟石點頭。
甘露道傍功德水。大千齊上法航遊。

其二

何事青囊覓秘方。濟人隨願作岐黃。
藥苗產自菩提樹。莫訝前身是藥王。

題扇頭花下鳴琴圖

道貌清奇野鶴姿。角巾絲履恰相宜。小溪抱得瑤琴至。一曲高山只自知。

其二

杳嶂層巒往復迴。呼朋掃石坐莓苔。野花似解遊人意。向臉橫斜爛熳開。

前題

山花朶朶向人開。柳線垂垂拂面來。選勝呼朋聊掃石。春風隨意坐莓苔。

其二

列嶂如屏鳥道盤。飛泉百尺沁心寒。招尋幸有知音侶。迴取瑤琴膝上彈。

扇頭飛仙圖

丹鼎從容歷歲年。个中應已悟真詮。片雲誰幻飛仙相。何處別尋一洞天。

其二

虛空倏忽現全身。童穉驚疑意未真。隱顯神通終有相。須知大地是陽春。

得一道人曰何處得此个中人語

扇頭遊赤壁圖

千尋斷岸截江流。月小山高夜色幽。二客相從聊載酒。洞簫吹徹一天秋。

其二

核盡盤空恣勝遊。布帆輕櫓任中流。夜深童子垂頭睡。滿酌高歌未肯休。

得一道人曰信手揮來皆有思。致曾次自高非但筆妙

皇太子幸萬善殿召見卽事應

命

昨夜祥雲碧漢明

前星光燭少微精。小臣此日承

恩遇龍虎風雲慶太平

皇太子召見命講性理太極圖恭紀

濂溪太極接心傳

鶴禁從容講席前

聖主萬年弘諭教。六經從此日中天。

奉

令旨咏春笋

勁節凌霜歷歲年。芳根盤屈欲參天。春風玉版承

恩。渥願獻

千秋佐綺筵。

得一道人曰應

合立成筆不加點而氣象崢嶸且又雍容博大宜其深

蒙

睿賞也太平盛事何可多得

題採藥圖

相携採藥萬山巔。鳥道迴盤入洞天。一水忽迷前去
路寒梅千樹不知年

其二

流水聲中一洞開。此身疑是入天台。仙姬倘吝胡麻
飯野鹿啣花獻客來

題漁家樂圖

水天一碧澹秋光。兩岸蒹葭色正蒼。日暮渡頭人已
散漁舟兩兩繫垂楊

其二

網得魚兒換酒回。烹魚煮酒壯懷開。漁家有子寧須教。少小船頭學釣來。

題畫扇頭山水

疊嶂廻巒一徑通。數家茅屋夕陽中。柴門竟日無人到。高臥南窓有醉翁。

其二

草樹蕭疎秋葉黃。携筇挈伴上南岡。披襟相對渾忘倦。萬壑蟬聲逸韻長。

堯天擊壤歌 有序

進

臣陳夢雷恭

皇帝三十八年春萬方清晏年豐政和民蕃物阜獨以黃

運兩河關國儲民依至鉅廷議靡所折衷將以

玉輦時巡親臨相度又恐于

皇太后定省偶踈殷殷塵念因思時值昇平方合萬國之權

心以隆孝養况東南佳麗之地春和景明苟動不煩民正可因時宣豫乃奉

皇太后 御龍舟自潞河歷江淮達吳會

天語 叮嚀輿衛供億悉自大官絕從官之問遣杜閭閻之

科索而萬姓忭呼歡聲雷動焚香羃錦夾岸盈衢自

古帝王以天下養之盛莫能致也

上既 閱河道形勢授經畫爰觀風於吳越黃童白叟扶杖

匍匐填溢陌市思一遂就日瞻雲

上乃 寬警蹕使得近光于是稱

萬 壽之觥效華封之祝者億萬計

上又 念切如傷以東南民力富饒非昔乃發太倉蠲積逋

減鹺征輕關權弛罪囚滌罍誤資循良練軍實增弟

子員先朝陵寢

宸翰 褒崇致政老臣

龍章 寵錫鉅典輝煌湛恩汪濊于是搢紳多士咸思頌德

歌功 臣夢雷蒙

恩再 造教習西苑近又奉

旨 侍

皇 三子誠郡王讀書禁廷仰見我

皇上 修齊貽燕事事皆可為萬世法程而

治南

侔覆載。化隆三五。誠書契以來所未有。若僅縷述。巡諸鴻模。善政譬則詔一隅之化。育難以概大造之。施生繪一室之容光。奚足測日月之臨照。是以未敢輕致頌揚。而親申自南來親睹盛事者。皆謂東南士頌于庠農。謳于野衢。歌巷祝述。其大致亦足驗

聖化

之翔洽。大澤之旁流。臣伏思書頌帝堯。至于欽明文思聖神。文武而後世稽古之士。必述康衢擊壤之歌。為據者。蓋草野之言樸。而彌真可歌可咏也。臣謹倣古者輶軒之意。擇其雅馴。第其序次。得擊壤歌二十

四首以獻詩曰

鳳舸龍舟錦纜開。歡騰萬姓殷如雷。讀書自昔稱堯舜。儂却親瞻

堯舜來

其二

結綵焚香不計錢。爭尋蜀錦買龍涎。門前鑾輿過勝事。從今千萬年

聖主

其三

白叟黃童擁道迎。萬年

天子萬方平。累朝洪福誰能擬。得望天顏福不輕。

其四

聖朝滄海不揚波。何事天吳未翕河。幸得六龍勤法駕。東南父老望恩多。

其五

翠華宣房壁。馬費周旋瓠子興。歌往事傳何似。親指授禹功。河洛萬斯年。

其六

江上氤氳吐瑞煙。江山有

主萬千年。

龍章爛熳留題處。五色榮光日燭天。

其七

昇平比戶樂春臺。定省

龍顏喜慰哉。夾岸焚香遙警蹕。

萬年國母九天來。

其八

吳門三月好風光萬姓齊擎

萬歲觴五老筵前增五福嵩呼

聖壽與天長

其九

玉葉金枝侍

聖皇詩成七步射穿楊經文緯武皆龍種帶礪河山日月

長

其十

霞綺香塵里巷紛村村頌祝九霄聞歡聲聚作鈞天

樂喜氣蒸成五色雲

其十一

千里金燈水府張丹誠點點祝

君王豈知六合無私照萬國同瞻日月光

其十二

聖世弘仁遍八荒

聖心念念切如傷

恩綸格外多寬恤從此東南頌德長

其十三

松鶴山房詩集卷之八
祥雲天庾徹霄明

盛世乘春補助行玉粒千倉齊減價淮揚萬姓慶更生

其十四

國課臣民分內輸

聖朝善政屢蠲租桑麻不擾追呼靜萬井齊聲

萬歲呼

其十五

熬波府海課常饒

聖主恩寬仍舊條商竈萬家沾浩蕩康衢處處頌

唐堯

其十六

稅權關津抑末多寬征

盛世廣恩波連檣月夜歡聲沸賈客同編

聖德歌

其十七

驛使星馳聽赦文妻孥相對涕成欣闔門從此須行

善忍負當今

堯舜君

其十八

玉輦。萬家望幸越江濱。羃地香雲錦作茵。
經行多雨露。六橋花柳萬年春。

其十九

宮衣貂錦沐

恩榮虎拜鵷班謝

聖明。撫字有方

天眷。渥

九重。事事為蒼生。

其二十

弓開月滿騎龍驤。犀兕雷轟較射強。妙選虎臣持帥節。東南高枕付金湯。

其二十一

展敬鍾山錫

御章。故陵松栢倍生光。當年縱有夷齊在。頂禮皇恩下首陽。

其二十二

鳳舞龍飛

御墨鮮誰承

恩賜喜從天讀書不羨公卿貴羨得

天章寶萬年

其二十三

東南名勝擅人文

天語親增弟子員報

主致身從此日謳歌先祝

聖明君

其二十四

三出雄邊萬騎屯

河三度歷千村些須耕織完租課難報憂勞

聖主恩

得一道人曰前代頌揚大都浮誇失實險怪其詞而

無稽于事藻繪其文而無當于理此妙在事事徵

實故張大而不傷侈淺淡而不傷俚立言有體婉

摯動人真盛世之章也

贈醫士

已卯夏墮馬傷臂蒙

王命蒙古醫人巴君治之衆皆神其技因爲題扇
華氏當年技最良何如俞跗佐軒皇知君盡得囊中
秘不向龍宮覓異方

其二

盧扁從來藝獨神山中相業在醫人折肱此日窺神
授方技他年紀載真

題扇頭山水

草樹迷離秋色濃萬山落葉少行蹤數聲清磬來天
外知是雲間第一峯

七月十五日蒙

東宮以睿製詩十首賜示恭紀

臣陳夢雷奉

旨侍

皇三子誠郡王讀書北園蒙

千歲殿下賜詩

郡王屬和兼令臣夢雷得仰瞻

睿製臣跪讀之下仰見

睿思淵深而出之以中和

聖學浩博而歸之于大雅誠太平有道盛世之音上繼

明良復旦之咏者也臣歡欣踴躍之餘謹稽首頓首

以三詩恭紀其盛詩曰

梁園瑞靄壁奎連

鶴 禁頌來復旦篇

離 照文明今有象萬年文治日中天

其二

文謨武烈十年長何似

作述光珠斗景星明

皇朝

少 海共瞻

雲 漢爛天章

其三

明良帝世賡颺盛

花 萼

興朝唱和多八表同文從此日萬方臣庶早謳歌

巳卯之秋臣此詩蒙

皇三子誠郡王代呈半月後遇臣同年高璜語臣曰偶

侍

東宮極贊爾近日三詩謂語語有典使人不覺其用典
筆墨之妙至於用古而化不知他胷中有幾萬卷
書臣聞之悚然汗下伏念臣至愚至賤昏昧多忘
至于晝夜手不停披實由天性稗年得沐

聖恩

特拔所作亦幸膾炙一時然顛躓之餘見嫉當軸世
亦不復齒錄私計一生師友以及當代名公鉅卿
雖蒙賞識未能至此荏苒十有六年年已六十有
四犬馬就衰捐糜無日俯仰今昔感泣涕零敬識
以示子孫使知他日重泉遺恨也臣夢雷恭紀

題扇頭美人

春入寒梅萬樹芳。佳人挈伴試新粧。錦箋欲寫心中
事。指點枝頭話正長。

其二

綠萼紅英帶露開。憑高折取一枝來。雲鬟長伴深閨
好。莫令東風着意催。

送鑛鐵上人歸武夷兼訂卜居

已卯仲秋

真空是處三禪樂。入定還尋九曲君。遙計故園歸錫
日。萬山紅葉一溪雲。

其二

洞天幽夢幾縈迴。何日柴門水曲開。為寄幔亭峯上月清光。留待主人來。

題某上人畫像

芒鞋竹杖者誰歟。恍惚禪關出定初。點染丹青留幻相。本來面目竟何如。

其二

貌古形癯骨更清。个中方寸已圓明。不聞聲咳悠然意。倘聽庭前栢子聲。

畫鸚鵡應

令 庚辰季春

聖朝。星眸鐵羽態偏清。筆底如聞學語聲。倘為圖瑞應喜同時。樂奏昇平。

其二

琵琶四座暫停觴。共聽靈禽慧舌長。壁上飛來慵不語。倘啣魚袋貢嘉祥。

其三

前身舌上紫蓮花。脫影今從

帝子家墨汁淋漓參造化謝郎醉後舞欹斜

其四

肉食今應悟道真不緣飲啄喚人頻翠衿丹喙慙鸚鵡尺幅依依戀主人
得一道人曰用事入化繪景入微寄情寓意觸手皆成妙解莫草草看去

代題扇頭畫

清淺菰蒲一小航隨流曲折遶村長柴門晝閉秋煙冷萬樹丹楓對夕陽

詠蝶

辛巳夏仲

長夏山花喜未殘尋芳粉蝶影珊珊獨憐揮汗塵勞客入夢尋君作伴難

其二

飽玩花叢兩翅舒枝頭葉底暫安居翩翩偶向窓前度倘有餘香肯餉予

題扇頭畫草蟲

一望菁葱綠染衣清和百卉鬪芳菲草蟲樂意知多少任向花叢鼓翅飛

其二

野。草。閑。花。蝶。興。闌。侵。晨。葉。上。露。猶。溥。蜻。蜓。隨。處。沾。餘。
潤。却。作。凌。波。點。水。看。

題扇頭畫空中鬼卒雷電一叟從容作禮

雲。暗。長。空。列。缺。揚。中。林。野。叟。意。徬。徨。九。霄。將。吏。應。回。
首。一。念。虔。恭。格。上。蒼。

其二

休。咎。須。從。方。寸。推。從。來。屋。漏。有。天。知。雷。車。風。馬。精。靈。
現。衾。影。從。容。在。此。時。

得一道人曰誰人敢道

題扇頭讀書圖八首 癸未孟秋

徑。鎖。苔。紋。夕。照。紅。一。編。長。抱。對。秋。風。下。帷。豈。為。尋。章。
句。不。負。當。年。圯。上。翁。

其二

處。處。蟬。聲。噪。晚。暉。巖。頭。紅。葉。影。霏。微。從。容。抱。膝。聊。長。
嘯。萬。頃。秋。雲。繞。樹。飛。

其三

孝。經。詩。論。足。三。公。此。日。毛。錐。用。却。窮。見。說。西。園。多。妙。

諦枕中鴻寶不雷同

其四

腰拳齒豁一經生。離校編摩歲月羸。俯首不知秋色老。任他雜樹亂蟬聲。

其五

坐嘯行吟歷歲年。何須瀛海覓神仙。个中丘壑悠然意。掉臂凌風一洞天。

其六

閑來一枕夢羲皇。醒後依然片石傍。却把殘編隨意

讀悠悠清興寄滄浪

其七

石壁凌空半入雲。數枝秋色亦繽紛。野人展卷餘清福。花影山光一半分。

其八

秋蘭滿徑未全荒。萬卷縱橫列縹緗。高閉柴門無一事。書聲鳥語送斜陽。

得一道人曰。諸作觸手隨意或淺或深。或正言或寓意。皆有妙趣。天然名句。錯出開後人無數法門。

西雷和尚小影

六根無着法皆空。幻相如何寄此中。竹杖芒鞋與經卷。一隨棒喝逐東風。

其二

三教同歸只異門。何須南北費參論。本來面目今將去。雲掛長天月一痕。

得一道人曰為僧題像即為僧說法。截鐵斬釘不用描頭畫角。高座棒喝者未必有此舉。火時何不借重。

贈歌者

衣衫輕染百花香。譜就新聲欲遶梁。回首清源山上月。荔陰深處夢應長。

其二

遼左歸來客

帝京。但聞鄉語不勝情。可堪旅館孤眠日。樹底花前聽曉鶯。

得一道人曰然則奈何

代題花下搦管女侍研墨小影

松嶺山房詩集
樹影遙連雲影長。舊桃和墨研池旁。騷人搦管添詩思。應作秋蘭滿徑香。

其二

墨霧香清硯作波。綠陰深處漫吟哦。東坡本自饒清興。爲對朝雲得句多。

其三

康成女侍舊知名。携得龍賓自玉京。此日文園留韻事。試教擊鉢句須成。得一道人曰韻事亦須妙筆點染。

四時行樂詞

甲申孟秋

春光澹蕩喜初晴。萬紫千紅吐淺英。好鳥花間吟不歇。風傳玉管和新聲。

其二

園林長夏綠陰叢。榴火千枝照眼紅。一陣風來香氣好。采蓮人在藕花中。

其三

金井梧桐已報秋。漁歌聲出蓼花洲。東籬叢菊催人醉。載酒還邀好月留。

其四

冬至葭灰律管催。天花六出滿瑤臺。山陰雪棹迴清興。芳宴銷金帳裏開。

四時題畫

春園昨夜報東風。柳眼微開杏靨紅。些子枝頭露消息。深情訴在鳥聲中。

其二

別院薰風夏景長。雨餘新漲滿方塘。遠峯一帶青如抹。萬樹蟬聲送夕陽。

其三

秋林紅葉帶霜飛。天外冥冥鴈影微。清磬數聲蕭寺晚。斜陽鳥道一僧歸。

其四

冬來瑞雪滿層巒。擁被幽人未覺寒。漁父扁舟歸去疾。披蓑斜抱釣魚竿。

爲宗伯顧公題冊頁中諸畫

層崖高矗白雲隈。泉響松聲萬壑雷。山水清音原自足。小溪何意抱琴來。

其二

亂石嵯峨煙樹裏。山南山北兩三村。治畦暑月田間去。野逕無人晝閉門。

其三

春江春漲不盈尺。春草茸茸連遠陌。橫騎牛背去如飛。短笛一聲江天碧。

其四

春山一帶沐晴嵐。影倒波間翠似藍。杖屨欲尋松際寺。鐘聲已渡小溪南。

十二月十九日蒙

皇上

親灑宸翰書松高枝葉茂鶴老羽毛新一聯

賜

臣夢雷臣驚喜贊頌之餘伏念節比松貞敢不勵歲

寒于奕世齡稱鶴筭願長祝

聖壽

于萬年敬即松鶴賦詩六章用紀

榮

遇詩曰

南山結蓋早成文。雨露恩深欲拂雲。天保九如歌盛

世萬年壽祝

聖明

君

其二

帝：丹砂為頂玉為衣。華表多年此日歸。何幸緱山逢。子乘風騎傍九霄飛。

其三

至聖：勁節輪囷老幹蟠。春風桃李笑相看。一經標題後始識。貞心耐歲寒。

其四

曾從紫府探真源。啣得還丹報

主恩壽世

聖人自有道。但將清唳向天門。

其五

新枝舊葉鬱蒼蒼。百尺龍鱗插漢長。錯節愧非梁棟。具幸依日月仰清光。

其六

敢言靈骨異凡胎。引吭聞天動九垓。威鳳儀廷同獻瑞。為增下蓬萊。

聖壽得一道人曰朝右諸公

御書之賜非一未有及此者節操品行

簡在已久藏器俟時何須解嘲詩反若自託歲星固自有深意乎

贈馬官

汧渭當年敬一官侍中金氏寸心丹天閑近錫飛黃種莫作尋常駑劣看

其二

老驥應知報主恩殷勤芻粟在朝昏君看驤首長鳴日千里追風未足論

題扇頭畫牛 乙酉季春

戴角披毛竟宛然函關遺相此中傳何時豐草清泉畔短笛蓑衣伴爾眠

其二

金絡當年事已非廟中何似野中肥鹽車殘喘寧須問一望桃林去似飛
得一道人曰妙想妙趣却于此等題寫出

卽事有感

鄰家村婦往來頻紫白紅黃滿髻新歸去自應夫婿

松鶴山房詩集
惜歡時倘憶種花人。

其二

行。蟻。枯。梨。不。厭。煩。杜。陵。體。物。寄。微。言。偶。遺。片。鬢。投。階。下。審。雨。堂。中。聚。議。喧。

得一道人曰寓意使人解頤或曰彼自謂西子也豈必憶種花者余曰不然西子惜花必憶種花者不憶種花者非真西子亦村婦類耳或又曰行蟻聚議固然乃虎而蟻之何也余曰片鬢聚議虎亦蟻耳

漁父詞

丙戌仲夏

幔亭峯上雨前芽九曲溪邊老樹槎竿寄影浪浮花雲水冥茫是我家

其二

謝却衣冠薜荔披不貪廩給也無饑投芳餌理輕絲無心得失免嫌疑

其三

滿船明月不須篷緩櫓看山不用風餅粟罄杖頭空得魚換酒樂無窮

其四

拍天風浪盡張皇。一葉蘆中甚不忙。炊已熟釀堪嘗。魚羹煮笋一船香。

其五

兩岸青山作畫懸。一蓑煙雨臥江天。鷗索伴鷺相憐。醉餘弄笛晚風前。

其六

醉後高吟醒把鉤。無名無姓也無憂。傲巢父笑許由。洗耳牽牛作話頭。

其七

坐茅此老豈灰心。灘上披裘迹未深。紅蓼岸綠楊陰。蕩漾隨風那處尋。

其八

英雄撒手不留名。麟閣鸞臺水上萍。天不老日長明。舜日堯天樂此生。

得一道人曰真得意語真撒手語與勉強摹寫者不

同較之張志和作正恐嘆積薪矣

代題小影

鱸膾秋風亦有因。故園松菊莫嫌貧。會心濠濮應非遠。那管行人欲問津。

其二

圯橋舊事艷當年。流水行雲也偶然。試向烟波深處望。秋光一碧直連天。

得一道人曰自寫曾次悠然言外

題浙江王方伯對奕遺像

柯斧仙蹤幾幾年。却翻新局倩人傳。吳山越水棠陰遍。琴鶴逍遙入九天。

為思修上人題許月溪畫扇

千尋尺幅勢堪驚。葉葉枝枝作態清。此日寫為開士供。可能無負歲寒盟。

其二

祇園剪燭憶當年。鴈杳魚沉夢惘然。却喜仁風懷袖裏。寒暄差近曩時天。得一道人曰諷語蘊藉

金雀花應

丁亥季春

令

綠暗紅稀三月時。金衣初試影離披。敢誇毛羽乘風力。歛翅低垂托一枝。

其二

野田樂府漫高歌。林下從容避網羅。斥鷃藩籬休妄笑。綠陰深處任婆娑。

其三

鄴臺草賦擅文雄。幻入林園賴化工。飲啄不侵田父粒。飽餐清露煦東風。

其四

紅紫芳菲滿禁園。黃冠野服獨無言。托根未忍高飛去。聊待啣環報主恩。

得一道人曰觸手寄情化工之筆。偏有此題得以盡所欲言。亦一奇也。

與米四 已丑孟春

松鶴老人庚申歲坐繫西曹。米四年十歲侍已。又隨謫奉天。經十七載而松鶴奉

旨召回京師侍

皇三子讀書。又歷十年。松鶴已抱終天之恨。欲求暫假

省墳墓猶未得遂而米四有母尚在此人生所不
可多得者也。因聽其携妻及二女歸恐地方當事
疑其歸之無據也。書此與之。

十歲孩童遠離鄉辛勤隨主到遼陽功成許爾還家
去帶媳携孫再見娘

其二

我生薄命悔前非腸斷終天與願違但見天涯有遊
子傷心揮淚勸人歸
得一道人曰事與詩皆可傳却不堪多讀

送洪秋崖之吳門兼寄何羲文司馬 壬辰孟秋

賦罷停雲旅興長揮鞭村店酒旗香洪喬不作郵筒
客贈別新詩已滿裝

其二

風流司馬政方成握手吳閫訴別情共檢奚囊搜好
句畫船簫鼓夕陽明

其三

締交三載素心同相見應詢角里翁報道水村時泛
艇思君烟雨藕花中

癸巳年

六十萬壽恭紀

五彩樓臺繞瑞烟。人間蓬島事堪傳。天教春月皆晴。好錦繡乾坤祝。

萬年

其二

萬國嵩呼錦幄開。懽騰輦轂殷如雷。遙思遶膝稱觴。日共祝一再迴。

天心

其三

抱幼攜童笑復歌。民間父子樂如何。此時六合同懽。慶但願樂更多。君王

得一道人曰至理。至情可謂善頌善禱。

題仙女採藥圖

攜籃採藥萬山巔。不記人間幾歲年。野鶴似應尋伴侶。飛鳴隨入洞中天。

題扇頭畫鸚鵡

松鶴山房詩集
謝郎妙舞蹟難留。潑墨誰從掌握收。翠竹蒼崖應自得。不啣魚袋却風流。

其二

會聞時樂獻昇平。剪舌依稀學語明。丹喙翠衿羈玉架。何如巖壑奏清聲。得一道人曰傷心語。

題美人垂釣

柳陰深處掃莓苔。女伴相招把釣來。恰喜雙魚隨餌到。佳人頓覺笑顏開。

贈張道人

癸巳孟秋

碧眼方瞳鶴髮翁。從容瀟灑有誰同。道心一片如秋月。萬里無雲色相空。

其二

朝真夜靜啓山門。月黑山空度旅魂。猛虎聞聲皆蹲伏。始知道法自然尊。

題美人凭闌對月圖

兀坐凭闌夜氣清。瀟疎修竹送秋聲。拊膺不語知何事。一片貞心對月明。

題女侍奉梅圖

梅梢月色影朦朧。女伴相將耐朔風。袖得寒香歸枕畔。夢中清賞自應同。

題柳陰羣牧圖

一片天機牧豎心。姓名不問漫招尋。前溪共酌清泉罷。驅犢同來就柳陰。

題美人荷池垂釣圖

携筐澤畔意何如。點點荷錢貼水舒。偶爾投竿應有喜。良人遠道寄雙魚。

補遺

昭君怨 庚辰季春

魚龍百戲玉階頭。何事蛾眉筆下求。只道宮庭天尺五。誰知畫史擅春秋。

其二

豈為惜金輕畫史。祇疑此念薄君王。臨行顧盼沉吟日。知遇恩深妾敢忘。

其三

新粧奇艷至尊驚。應死堦前報聖明。漢室安邊無別

公鳴山房詩集卷之八言絕句五十五

应为又P55

松嶺山房詩集卷之八十七言絕句五十六
策捨身爲國作長城

其四

使還煩報漢公鄉。安攘奇謀祇此行。天祿石渠閑珥筆。鏡歌應譜琵琶聲。

得一道人曰漢庭此舉固明妃之不幸實漢家將相之羞也四郊多壘辱在卿大夫况割至尊之寵以與外邦臣子何顏自立自魏晉以來咏昭君未有及此者黃金何日贖蛾眉便贖來成何佳話蘊藉深厚如比足令君王下淚朝右低眉矣

方扶南有謝司寇公贈粟之作諸君和者甚多

因謬學步

席帽衝寒躡破鞋。閉門古處與誰諧。仁人贈粟君應受。佳話題詩已滿齋。

其二

我願阿衡再起莘。廣開東閣接賢賓。普天共飽尚書賜。更慰長安索米人。

得一道人曰本是韻事却將賢主嘉賓厚道高品公心熱腸一齊寫出方見手段

松鶴山房詩集 卷之九
題白六吉先生遺像

庚申秋季始晤白六翁先生戊寅入都喜重握手
比長君以先生遺像命題則歲在乙未矣俯仰今
昔淒然興感

姑。卿。唐。舉。亦。人。豪。藝。術。何。如。法。眼。高。揮。塵。市。塵。非。玩。
世。人。倫。冰。鑑。屬。吾。曹。

其二

三。十。年。前。語。夜。闌。玉。關。重。入。晤。長。安。鄴。侯。潦。倒。餘。霜。
鬢。阿。堵。淒。然。憶。懶。殘。

松鶴山房詩集卷之九目錄

詩餘

代賀陳兼思迎婚霸州調賀新郎

西郊送別調青玉案

題美人對鏡理粧圖調桂枝香

爲張明黃雲津漱石圖調沁園春

賀倪健侯新婚 萬年歡

代壽金太母 千秋歲

戲贈金文瀾 醉花陰

為金文瀾書壁 迎春樂

草堂遣興 一剪梅

題扇頭月中折桂圖 桂枝香

為顧宗伯題畫 武陵春

水村十二景 桂枝香

又 思歸樂

水村卽事 慶春宮

又 滿朝歡

又 賀聖朝

詩餘

代賀陳兼思迎婚霸州調賀新郎 庚申孟秋

秋月應無價。照燕山香車寶馬。輕盈蘭麝。風捲流蘇。揭繡簾。試問嫦娥。誰亞官舍。近嬌慵。莫下未見牛郎。來奠鴈鳥。鵲橋早送天孫。駕須先索深深謝。畫堂簫鼓開瑤學。却饒得趙女迎粧。燕姬伴嫁。錦屏開九微燈。擁步款種花庭榭。帳動芙蓉。金縷斜襟。鬆萱蔻玉釵。卸知共惜千金夜。

西郊送別調青玉案 壬戌季夏

蹇驢同踏西郊路。但目送征塵去。望斷長天飛鳥度。
酒旗村店。牛車南浦。欲寄愁何處。歸來黯黯禪棲。
暮搔首空吟送人句。人送我時。當何許。不眠欹枕涼。
披輕絮。腸斷堦前雨。

得一道人曰真境真語自與人不同

題美人對鏡理粧畫扇調沁園春 甲子仲春

曉日蘭房催深閨起。早珥翠垂璫掠雲鬟正好。玉肩
斜。鞞鏡中展轉重貼鴉黃。不是嬌慵。羞池點染。頻向
臺前更理粧。傾城豔爲私憐。孤影仔細端詳。停梳

欲歇還忙。安蟬鬢花枝巧護。將任娥眉爭妬。捧心爭
做天姿。怎掩玉潤珠光。麝澤初薰。羅襦輕度。粉蝶遊
蜂錯認香。傷心處璇璣錦字誰獻君王。

得一道人曰妙在數語中有頓挫便極磬控縱送之
妙躊躇滿志如此畫眉深淺入時無不須再問夫
婿矣

爲張明黃題雲津漱石圖調桂枝香 乙丑冬仲

烟波滿目正腸斷江南誰收尺幅芳草平沙岸繞秋
容堪掬望蒼茫黛嬴初染背殘陽數峯斜矗雲影天

光空明蕩漾。登臨須足。清淺處。漣漪似。穀數蟹眼。
蝦鬚生動相逐。荇帶蓴絲。點染暗紅深綠。一丘一壑。
誰相許。惹羈人。撩亂心曲。玉關歸去。風流公子。倩添
茅屋。

得一道人曰。從題畫寫出自家心事。便饒意致。

賀倪健侯新婚調萬年歡 戊辰孟秋

璧合珠聯。喜風流洗馬。來自南國。孔雀屏開。千里奇
緣。花燭佳話。今翻新局。書中有女。顏如玉。誰知欲問。
玉堂路。須先奏玉簫曲。鳳飛叶卜。銀河淺。天孫未

渡。漫誇金屋。烏鵲填橋。却爲牛郎。推轂香繞博山煙。
綠流蘇帳。曉縈心目。恍疑身到。廣寒宮。桂枝攀待。翹
足。

七夕後一日代壽金太母調千秋歲 庚午孟秋

銀河爽。霽寶婺臨豐沛。甲第高家聲貴。星橋烏鵲度。
青鳥隨仙珮。秋光好。霞觴又慶瑤池會。寶樹看庭
桂。錦砌多蘭蕙。欣遠膝。稱觥醉。雲璈催錦瑟。歌吹聲
如沸。且停杯。瑤笙聽譜千秋歲。
得一道人曰。酬應亦自不俗。

戲贈金文瀾調醉花陰

癸酉孟春

暖日晴窓堪永晝。檀麝噴金獸。玉律轉三陽。孤枕東風。一夜春光透。畫樓殘角三更後。夢翠粧紅袖。悟得色皆空。一卷黃庭。獨鶴任清瘦。

為金文瀾書壁調迎春樂

洞天福地知多少。誰識得閑中妙。良田萬頃都荒了。說世界壺中小。夢回是邯鄲舊道。且莫說飛昇難。老覓个自家真處。學个鷄兒抱。得一道人曰遊戲中具見本領。

草堂遣興調一剪梅

几淨窻明寶篆烟。壁上瑤琴。架上牙籤。饑時喫飯困時眠。捱過殘年。又說新年。萬里鄉關共一天。流水行雲。意也悠然。尋花問酒。漱新泉。不是神僊。且自神仙。得一道人曰旅吟有此不必低頭思故鄉矣。

題扇頭月中折桂圖調桂枝香

癸酉孟秋

秋光滿目。望萬里長空。天高氣肅。縹緲珠幢。寶扇珮聲相逐。蟾光兔影。寒宮裏。傍嬋娟。桂香初馥。天津雲

路瓊樓玉宇誰當翹足。金闕下輜輶繡轂聽錦瑟。
雲。璈。歌。吹。相。續。早。是。朱。衣。暗。暗。佳。音。先。卜。乘。風。須。向。
花。深。處。折。將。來。一。枝。新。綠。鈞。天。宴。罷。歸。時。還。譜。霓。裳。
仙曲

得一道人曰題易俗入名手却自矜貴乃爾

為顧宗伯題畫調武陵春 已卯仲春

春到千峯同一碧。誰倩白雲封嶺半。飛泉百道通寒。
王響淙淙。何處投竿堪寄興。須度小橋東。蓑笠斜。
風。細。雨。中。得。侶。兩。心。同。

題秋郊策蹇圖調桂枝香

秋山如畫萬樹盡秋聲。自然瀟灑似喚遊人覓侶聯。
鑣並駕氣清天爽人閑暇訂賓朋同攜杯學近郊選。
勝揚鞭策蹇閑情共話。又何事歌樓酒榭且躡屐。
提壺草橋村舍直待醉醺歸去夕陽西挂良辰美景。
真無價但隨時行樂休訝後歌前唱風流應繼洛英。
香社

水村十二景調花發沁園春

戚畹園林更增斗閣傍山且又環水花枝爛熳柳線

林鶴山房言集
飄。蕭。草。樹。千。層。叢。裏。晴。霞。如。綺。遙。掩。映。諸。峯。深。翠。小
亭。上。一。曲。瑤。琴。投。竿。堤。畔。堪。喜。菊。岸。鳴。蛙。聒。耳。繞
河。干。鵝。羣。撲。逐。搖。曳。牧。僮。嘯。侶。饁。餉。人。歸。天。際。笙。歌
聲。起。人。生。似。寄。貴。賤。共。逢。場。遊。戲。捻。長。笛。和。韻。舟。中
好。邀。明。月。同。醉。

又調思歸樂

昆。弟。兒。孫。同。宴。聚。相。訪。有。良。朋。道。侶。水。外。奏。歌。看。鶴
舞。一。葦。入。芰。荷。深。處。百。歲。光。陰。能。幾。許。這。享。用。敢
期。多。取。故。鄉。芋。栗。飽。兒。女。細。思。不。如。歸。去。

雜曲

元正嘉慶

元夜新詞

八仙慶壽

月夜泛舟

四時行樂曲

雜曲

元正嘉慶

外扮東方朔捧蟠桃生扮李白捧霞觴旦扮
董雙成執玉管小旦扮麻姑執玉樹上

北新水令 九天佳氣轉三陽喜枝頭東風颺瑞
靄滿乾坤。溟海無驚浪。盛世春光。盛世春光。合人
天共歡暢。

外 絳節朱幢下玉京。旦 欣逢萬國樂昇
平。生 霓裳譜得鈞天曲。小旦 散入春

風滿帝城。外 吾乃漢東方朔是也。旦

吾乃王母娘娘駕下董雙成是也。生 吾乃

唐李白是也。小旦 吾乃麻姑是也。外

吾與青蓮學士共證南極散仙董麻二真皆瑤

池仙侍今日玉虛朝罷幸會此間當今

聖主

當陽睿智聰明聖神文武風調雨順玉燭常和海晏

河清金甌一統東扶桑西若木咸稱有道聖人

北瀚海南珠崖皆頌太平天子而且主器有元

良之德屏藩多且奭之材武緯文經小廉大法

士農商賈共戴堯天動植飛潛同瞻舜日當此

新春元旦之辰正萬國朝宗之會我等共駕祥

雲縱觀寰海遙望皇居帝闕遍歷王公邸第市

井閭閭賞玩一番諸真以為何如 衆 我等

亦同此意請

南步步嬌 合 慶新年又是昇平象禹甸山川廣

堯天化日長。奠挺瑤堦露凝仙掌。賡拜睹明良。清

寧合德禎符貺。

北折桂令 外生 慶元正舊典堪詳朝會冠裳數

漢稱唐外 宴建章滑稽稱觴 生 供奉隨

班火炬干行 合 那窮奢極侈非常却只是殿

陛上繁華獨享未見得人安歲穰那如今日巍巍

蕩蕩億萬國車書享王

南江兒水 旦小旦 八駿崑崙後滄溟幾作桑代

代塵凡空勞攘為求如願敲灰块痴歎誰買通宵

唱今日含哺擊壤巷舞衢歌淳風却出唐虞上

衆 我等既歷鳳樓金闕試觀九門洞開六街

紛還車如流水馬如龍真好太平景象也

北鴈兒落帶得勝令 合 只見得掛桃符號辟殃

只見得折松枝稱祛恙只見得貼門楣頌吉祥只

見得書對偶求財旺又見得守戶的將軍壯又見

得啖鬼的老鍾強又見得紙爆竹連聲放又見得

紛拜節騎車忙輝煌共薦屠蘇傾歲釀芬芳入醉

鄉如逢閩

呀前面朱門翠瓦畫棟雕甍紫氣騰騰香雲靄

靄好个去處也

南僥僥令 合 牙籤列縹緗翰墨盡飄香苴土分

茅誰堪讓對三雍法獻王漢劉蒼樂善揚

北收江南 合 呀有那樣修德的心腸正直又端
方立志詩書行謙讓虛心不自放高懷自疎暢自
有那天公福善降嘉祥

南園林好 合 治無爲聖朝德昌遵庭訓聖教有
方因此上同來瞻仰慶維城屏翰長慶維城屏翰
長

我等既有緣到此何不各留一物以佐辛盤且
兆將來佳瑞 外 我有度索仙桃一枚用佐

千秋之祝 旦 我有昭華玉瑄一事用叶九

如之歌 生 我携有滿酌流霞用增景福

小旦 我携來瑤池玉樹用頌多男

沽美酒帶太平令 合 綺疏內博山爐蒸異香盡

堂上九微燈吐艷光却不事椒花栢葉絳綃囊請
滿酌雲英玉漿俺還有偓佺松實聊充芥薑如瓜
的火棗異芳堪嘗貢新詞效枚馬遊梁獻鳩人非
冒邯鄲賞羨名藩天人共景仰俺呵仍遊戲碧海
扶桑還翱翔白雲帝鄉呀霎時間赤城霞耀光千

丈。

清江引 合

卿雲惠風呈瑞象。梅柳瑤階放天恩。

爵位崇。府屬多佳况。翊皇圖。帶礪河山共壯。

得一道人曰。摹寫元正景物。作一幅極妙畫圖。入俗

處更饒情趣。而太平氣象如見。至於頌禱中無非

納牖。真是撒米成珠手段也。

元夜新詞

北新水令

慶新春元夜月華輝。吉祥雲散作千門。

瑞氣羨。多少人間極樂事。恰遇着天上最佳時。媚

景遲遲。誇不盡春光美。

南步步嬌

節序初開芳年喜。正值春光霽。花燈不

夜時八節雖佳。上元更麗。玩賞自相宜。笙歌處處

成歡隊。

北鴈兒落

最堪憐。春光宇宙新。最堪憐。春色園林

媚韻悠悠。春風環珮聲。靄飄飄。春陌焚香氣。

南沉醉東風。望天街星毬十里。火城中銀花萬藥。
徹夜禁弛金吾。徹夜禁弛金吾。鈿車寶騎。全香塵。
明璫珠翠。王孫聯轡。佳人擁擠。燈光映處。紛紛歌。
管相催。

北得勝令。呀。但見得舞龍燈。盤旋勢。但見得走馬。
燈。逐輪馳。更有那魚躍龍門裏。更有那獅子把毬。
戲街市上。如鼎沸。琉璃燦霞光。百道飛。

南忒忒令。紅燄燄蓮燈吐輝。碧綠綠菜燈青翠。金。
鐘左右鼓子排成對。高巖上掛松枝。長橋下小船。

移是耶非。却又。是鰲山點綴。

北沽美酒。寶珠燈影陸離。寶珠燈影陸離。畫屏燈。
賽九微滴翠玲瓏。是漏絲鑿冰成燈。更奇好風光。
共歡會。好風光共歡會。

南好姐姐。望迷火樹花飛。看蘭菊芙蓉同蒂。葡萄。
別種纍纍滿架垂。青和紫空中寶塔層層起。一霎。
時紅雲向月低。

北川撥棹。霎時間遍地雷。霎時間遍地雷。朱旗掣。
紫電催。共道是鞭響丹墀。彈碎庭梅。怒喝橋摧砲。

打。裏。圍。一。會。兒。煙。開。霧。霽。只。剩。得。月。和。燈。共。輝。矣。
南。園。林。好。半。空。中。見。羅。裙。倒。飛。粉。牆。頭。簇。紅。粧。幾。
圍。是。一。架。鞦。韆。高。繫。喧。笑。語。暗。相。窺。喧。笑。語。暗。相。
窺。

北。太。平。令。又。聽。得。秧。歌。滿。耳。團。團。擁。人。衆。追。隨。爇。
烘。烘。兒。童。歡。喜。笑。呵。呵。尋。雙。捉。對。俺。呵。那。曾。見。桃。
腮。柳。眉。都。是。些。粧。嬌。撒。痴。呀。大。頭。僧。瘋。魔。如。醉。

南。川。撥。棹。酒。樓。中。少。年。郎。喊。幾。回。鬧。轟。轟。行。令。猜。
枚。鬧。轟。轟。行。令。猜。枚。任。更。闌。度。曲。傳。杯。起。燈。宵。盡。

醉歸起燈宵盡醉歸

北。梅。花。酒。苦。芳。辰。嘆。空。閨。苦。芳。辰。嘆。空。閨。對。銀。缸。
心。慘。悽。飛。半。鏡。人。未。回。藏。鉤。會。無。心。戲。甲。煎。焚。孤。
鴛。被。燈。花。殘。亂。芳。意。月。落。時。淚。沾。臆。

南。錦。衣。香。最。喜。是。九。重。天。歌。聲。沸。上。林。中。懸。珠。翠。
共。道。鳳。管。鸞。笙。沉。香。火。底。五。枝。青。玉。巧。蟠。螭。百。華。
芳。苾。白。鷺。轉。飛。共。黃。龍。吐。水。月。分。光。金。鳧。銀。燕。列。
隊。千。門。浮。瑞。氣。明。霞。散。綺。君。王。有。道。千。秋。萬。歲。

北。收。江。南。呀。想。此。際。侯。門。勳。貴。兒。畫。堂。上。蘭。膏。百。

松鶴山房詩集
枝。玩。脂。豹。髓。列。珍。奇。紅。牙。導。舞。衣。金。缸。照。玉。卮。傳
柑。宴。罷。寶。炬。逐。輪。歸。

南漿水令 漏聲殘遊人回騎月兒低金蓮步移街
坊鄰舍喜追隨佛殿尼庵抱女携兒酬香的新嗣
的。金。錢。擲。下。還。留。意。急。忙。裏。急。忙。裏。遺。簪。珥。同。歸
去。同。歸。去。曉。鷄。啼。

北清江引 元宵幸遇昇平世樂事真無比歌舞夜
連。朝。絲。管。迷。珠。翠。且。去。待。來。宵。續。殘。燈。踏。歌。同。醉
得。一。道。人。曰。遊。戲。中。風。華。絢。爛。錯。彩。鏤。金。使。人。神。往

八仙慶壽

新水令 合 和風麗日滿瀛洲望卿雲霏煙如繡
桃實貢扶桑瑤島靈芝茂駕鶴驂虬駕鶴驂虬正
當花朝前後

鍾 人間五福壽爲先 李 綵紱麟書下九

天 呂 翠管歡聲傳妙拍 何 紅牙舊譜

按新篇 張 芝蘭綺閣飄香遠 曹 松竹

瑤堦浥翠妍 藍 隆慶日華開宴後 韓

河山帶礪萬千年 鍾 今日乃長壽星君降

誕我等奉瑤池王母之命同往慶祝大家走一
遭也請

步步嬌 慶嘉辰飲福宜春候羯鼓催花放邯鄲續
獻鳩露浥蘭英煙籠新柳海屋唱添籌朱幢羽蓋
來相就

來此已是壽筵前了試看瑞靄繽紛祥雲靉靄
圖書滿座席呈琬琰之光翰墨飄香筆煥龍蛇
之彩積善之餘多慶太和之氣爲春我等旣登
福德之堂宜效岡陵之祝况賁來閬苑奇珍蓬

萊佳醞何不共伸忱悃預卜禎祥仙姑奉酒我
等祝壽

折桂令 畫堂開錦燦霞流雲母屏張寶篆香幽列
芳尊玉學金甌竹葉屠蘇琥珀光浮那麴生風味
偏柔這却是瑤池會瓊漿玉耐難說道千十一斗
滿斟來祝天長地久願歲歲仙家獻酬

江兒水 桂邸平臺上芳庖薦庶羞鍾鳴列鼎千珍
有猩唇熊掌駝峯厚馨香差饜凡夫口這是鸞膏
鳳味螭髓麟肝天廚服後真仙偶

鴈兒落帶得勝令。更有那絳蟠桃瓊液流。更有那
紫交梨實如斗。更有那崑崙瓜玉井浮。更有那崑
嶽棗凌冬茂。更有那巴郡橘藏仙叟。更有那仙人
杏種滄洲。更有那太華的如船藕。更有那萬子的
水精榴難求。德行天人方共授。相投佐珍羞。須進
酒。

僥僥令

祥雲擁綵旂。福曜拱樓頭。四時吉慶神靈
佑體康寧。天降休沐。皇恩寵賚優。

收江南

自古道有德享箕疇。純嘏豈須求。載福根

基在寬厚。齊眉共白首。富貴長相守。共卜岡陵山
阜算悠悠。

園林好

瑟琴和蘋蘩。職修誇麟趾。負荷壯猷還。共
祝綿綿昌後。咏螽斯燕翼。謀紹箕裘。難比儔。

我等慶祝。旣伸應將。龍管鳳笙。雲璈錦瑟。一齊
並奏。玉女輕舒綵袖。作霓裳之舞者。

沽美酒帶太平令

響嘈嘈奏鈞天。叶妙謳影翩翩。
舞霓裳。應玉璆。况恰值千紅萬紫。惠風柔。請高捲
珠簾。上鉤一望裏。鶯簧蝶板。春光滿眸吟風與弄。

月一任遨遊慶昇平行樂千秋綺疏中甲煎添金
獸九微燈龍膏焚汞晝他年呵勒崇勳鍾鼎芳流
對三雍禮明樂修這纔稱配乾坤高明悠久

清江引 蒼松翠栢雙雙茂玉樹千枝秀天官降百
祥爵祿齊台斗佐天家社稷山河同壽

得一道人曰寬厚載福一語一篇扼要在此雲錦陸
離敲金戛玉無非爲此句作觀語耳乃知公劉好
貨太王好色當道志仁者正不在迂闊也

月夜泛舟

梁州序 柳塘花徑良辰美景返照初收欲暝綠陰
深處幾枝疎影斜橫喜新晴氣爽萬里長空玉宇
飛金鏡欲待乘風也架綵繩還訝林中匹練橫誰
點綴遮清影斧柯未握吳剛柄緱嶺下暫吹笙

漁燈兒 漫道是秋夜遊霓羽清聲漫道是嵩山客
七寶粧成又何羨唐生女暗室懸燈更何羨知微
酒脯雨後峯霽色光明

錦漁燈 可嘆是雲海外望鄉孤影可嘆是照流黃

錦字難成我更傷。光斜後。丁丁聽漏聲。我還傷雲和團扇。訴衷情。

錦上花。趁今夕。月色瑩碧波間。素影澄清。歌妙舞不須停。傾玉液。進瑤觥。撥蘭漿。遶岸行。鳧鷖驚起。向前汀。銀漢靜無聲。

錦中拍。只聽得那松濤韻清。似鳳管鸞笙。枝間鵲驚棲欲定。曲岸邊。鴛鴦交頸。最喜的。照酒杯蟾影。倍明漾。清波琉璃交映。濯素魄。冰壺共瑩。玉貌多情。嬋娟對影。指三星。應私慶。

錦後拍。一望中水連天。共空明拍按。紅牙奏新聲。憶古人逸興。憶古人逸興。中夜裏。賒來月色向洞庭。中買酒。白雲汀。又共傳采石騎鯨。更有牛渚袁郎詩畫舫。堪共聽。

罵玉郎帶上小樓。岸草汀花。白露盈。好似珠聯貫蚌吐。英清光一片。玉連城。泛蓬瀛。更何處。貝闕瑤京。望嫦娥降臨。望嫦娥降臨。難邀羽蓋。霓旌似憑虛。御風似憑虛。御風直到了。廣寒仙境。却不怕。銀橋路迴。我疑同羽化。登仙同羽化。登仙陽臺巫嶺。

快意怡情任漱瓊膏酌流霞潦倒沉冥何須計續
銀缸更殘漏未

前腔 檀板輕敲別調清試合今和古筭一生曾經
幾夜月圓明更揚舲漫徙倚芷岸蘭涇金叵羅自
斟金叵羅自斟莫負玉笛瑤箏問稽康劉伶問稽
康劉伶我何似東坡佳興縱一葦真凌萬頃霎時
看斗轉參橫看斗轉參橫盤空殺磬酒盡壺傾便
倒習池吐車茵誰濁誰清又何暇問青天陶然酪
酏

尾聲 世人共醉何須醒且休誇焚香煮茗最難遇
月夕風晨須泛山陰艇

得一道人曰此篇不難于摹寫景物援引故實妙在
有主意條貫其中大抵寄情感慨托于鋪糟啜醢
梁州序一冒足見大略然外似乎放達中却實有
一段見幾安命瀟灑自如之致借平臺之柘枝洗
胷中之塊壘何必復作逍遙齊物也

松鶴老人曰

朱邸千秋賜宴梨園樂作

王曰八仙一曲俗不可言思有以易之先生一搆思可乎余以不習音律辭

王曰姑勿論字之陰陽但如填詞平仄按譜以付歌兒不叶則易一二字可耳余不敢辭勉效顰以應

命後未聞有所改易究未知其叶與否徒資識者噴飯耳至此曲則

王欲四時皆可通用不着春夏秋冬一字頗難措筆及成而一夕舟中置酌余侍坐奏此曲亦未有所改也豈此道可偶暗合耶存之以質顧曲之周郎耳

四時行樂曲

正月來東風暖。共慶新年懸彩勝。掛桃符。戶貼金錢。拜佳節。邀親戚。車馬聯翩到月中。元宵景樂事無邊。簇花燈攢烟火。急管繁絃翠鬢鬆。香汗濕。鬧耍鞦韆。喜的是好事全。愛的是風月妍。真个是一歲中多歡慶。始自春天。

二月來春光好。已近花朝高崖上。遠林中綠萼青條。燕初向簾外舞。玉剪雙敲。夢乍回。聊欹枕鶯語聲嬌。杏開唇桃露靨。淡抹輕描。選勝遊踏青侶。不用相邀。

喜的是綠滿郊。愛的是香滿瓢。真个是醉鄉春。春如醉。任意逍遙。

三月來春將老。却喜花開誇第一。牡丹王。姚魏移栽。李如雪。桃映日。爛熳落。金雀黃。丁香紫。點綴庭堦。嬌海棠。香玫瑰。萬朵千枝。曲水邊。招詞客。閣筆啣杯。喜的是錦繡堆。愛的是絃管催。真个是賽右軍蘭亭會。放飲開懷。

四月來薰風度。天氣清和。梅雨後。蝶蜂狂。滿徑紅多。麥秋到。新綠滿。切莫蹉跎。浴佛日。金錢會。鬧壞韋馱。

慶元君粧故事。笑倒彌陀。人世間。真成夢。混鬧如何。喜的是貼水荷。愛的是醉後歌。真个是樂及時。莫輕過。且共婆娑。

五月來端陽節。正喜天中粧艾虎。捕蟾蜍。鑄鏡盤龍。繡金縷。絲五彩。繫臂當。曾奪錦標。競飛渡。俠少爭雄。弔靈均。投角黍。此事朦朧。綠蟻浮蒲香。泛且飲。千鍾喜。的是菡萏紅。愛的是吸碧筒。真个是沙棠舟。木蘭楫。醉入芳叢。

六月來華屋內。曳縠披紗。烹雀舌。剪龍團。漫試新茶。

倦絲竹。漱寒玉。沉李浮瓜。那得如林泉裏。蟬唱聲譁。
雨霖餘。添鼓吹。萬壑鳴蛙。開北牖。面場圃。試問桑麻。
喜的是。曲徑賒愛的是。樹影斜。真个是塵世中神仙。
客嘯傲煙霞。

七月來。梧桐落。一葉驚秋。風浙浙。雨蕭蕭。幾點螢流。
鵲橋夜歡。一宿織女牽牛。乞巧娘。陳瓜果。那得相酬。
嘆人間。心更巧。何事多求。莫管他。安吾拙。且整觥籌。
喜的是。夜漸悠愛的是。暑已收。真个是愁怕多樂嫌。
少秉燭行遊。

八月來。中秋月。分外光明。陳餅果。望蟾宮。設供中庭。
微風度。聊側耳。滿砌蛩聲。燕將歸。賓鴻度。嘹唳長鳴。
桂花開。香滿座。家釀堪傾。興到時。度新曲。拍按瑤笙。
喜的是。月色瑩愛的是。夜景清。真个是廣寒遊在人。
世到處蓬瀛。

九月來。三秋老。却好登高。風落帽。孟叅軍。一代人豪。
敬亭上。悲古昔。太白牢騷。對菊花。東籬外。彭澤揮毫。
聚文峯。傳一曲。那怕題糕。戲馬臺。龍沙會。且漫嘮叨。
喜的是。甕滿醪愛的是。蟹滿膏。真个是不用賒白衣。

送快飲陶陶

十月來寒風動正好冬藏長空外散天花六出飛揚。
一望裏皆同色玉樹琳琅陶學士烹雪水冷落文章。
醉羊羔銷金帳寶鼎焚香小蠻腰樊素口翠佩明璫。
喜的是小洞房愛的是琥珀光真个是恣歡娛良夜。
未樂意難忘。

十一月一陽復好事重尋晝偏短夜偏長玉漏沉沉。
畫堂上列銀燭靜理瑤琴擁獸爐翻經史討古論今。
拂瑤箋題好句戛玉敲金興到時開芳宴緩唱輕斟。

喜的是絲竹音愛的是短長吟真个是俗累捐紅塵。
少爽快身心。

臘月來家家鬧歲事將闌簇獸炭擁重裘那怕嚴寒。
舊風俗傳臘八菓粥加餐敬竈神焚香楮祝願千般。
祀家先供天地爆竹聲謹貼對完團圓宴又理辛盤。
喜的是心事閑愛的是上下歡真个是五福全千祥。
湊四季平安。

松鶴老人曰此曲名殊不佳

王隱之但書平仄作譜屬余爲之旣成

王以實告余對曰願

王光輔太平使海內窮鄉僻壤歌哭皇天者皆歌四時
行樂則仁徧天下矣

王笑曰余之願也爲之引滿



